

ቃል ቡራኬ እብ መናሰበት በዓል ልደት 2025



ብጹእ አቡነ ጴጥሮስ - ዓቃቤ መንበር ቤት ክስታን ኦርቶዶክስ ኤረትሮፕ እብ መናሰበት በዓል ልደት 2025 ወዘተ አስምዎው።

አሰናይ ዲብ በዓል ልደት፡ እብ ሰላም ኡብጽሐክም ወኡብጽሐኑ "ለቤለው አቡነ ጴጥሮስ፡ ተርጅመት ናይ በዓል እንዲ አብረህው፡ ዲብ ዐድ ወካርጅ እግል ለሀላ ሸዕብ፡ ወእግል ሕክሙት ወፍራሰ ቅዋት ድፊዕ ትምኔቶም ሰኔት ሸርሐው።

ብጹእ አቡነ ጴጥሮስ - ዓቃቤ መንበር ቤት ክስታን ኦርቶዶክስ ኤረትሮፕ፡ ዲብ ደንገቤ፡ ሙእምኒን ድቡር እግል ለሀላ፡ ዕሩቅ እግል ለአልብሲ፡ ሕሙም እት ገንታ ወሓዝን እግል ለአዳፍሐ በዐሎም እብ ፈርሐት ወሐምዲ እግል ለሓልፎ ትፋነው።

ሰዌሰራ፡ ሰሚናራት ኤረትሮፕን ገብእ

ዘያድ 1,250 ኤረትሮፕን ሰነን ሰዌሰራ፡" መትዛምነ ነአሱብት ወሰዋልፍነ ነአድምቅ" እብ ትብል ሰቅራት ዲብ አደቃብ መትዛምም ለረከዘ ሰሚናር ዲብ ዮም 4 ጃንዋሪ እት ጀኔቭ ሰርገለው።

መሰሉል ሸኡን ተንፊዘ ሰፋረት ኤረትሮፕ ወዘኪል ሳብት ዲብ መክተብ መዝመት መጅልስ ቅራን ውብዕዳም መዝማት እድንዩ ዲብ ጀኔቭ አሰይድ ሃብቶም ዘርእይ፡ ሄራር ዐማር ኤረትሮፕ፡ እተ ክምሰልሁሙ ሓድረት ሓለት መንጠቀትነ ወዓለምነ እብ ከሰሰ ተውድሕ ፋይሕ ሐቆ ሀቤ፡ መትዛም ወጠን እንዲ ትደቀብ መሻረከት እግል ተዘድ መርሐለት ለትጠልቡ ምሃም ክምቱ አፍሀሙ።

ዐዳዋት ወዋይዲባት አባያም ወሰብ እኪት ሸክሉ እት ባድል ዲኢትን ለበጥር ክም ኢኮን ለሐበረ አሰይድ ሃብቶም፡ ክም ዲመ አምር ፡ ምህነት ወአክላቅያት እንዲ ተዐንደቅነ እብ ፈዛዐት እግል ንጋብሁ ክምወጅብ እትሊ ጋር እሊ ህዩ አውራሰ ሰዋልፍ ናይ አውለውያት አውለውያት ሰበት ቱ፡ ናይ ጃልያት እብ ትወቀለ ሕሰር እግል ልትከደም እቱ ክም ወጅብ አፍሀሙ።

መሰሉል ሸኡን ሸዕብ አሰይድ ተወልዲ ዮውሃንስ እብ ጀሀቱ፡ ዲብ ካርጅ ለኑብር ኤረትሮፕን ዲብ ሕፍዘት ሀውቶም ልግባእ መሻረከቶም ዲብ ናይ ወጠን ወጃልያት ወራት እግል ተዘድ፡ መትዛም አግደ ሰበት ቱ፡ እግል ልትከደም እቱ አትፋቀደ።

መሻርከት እብ ጀሀቶም፡ መትዛምም እንዲ አደቀበው ወአፍይሐው በራምጅ ወጠን እግል ልትዐውት ዶርም ክም ለአግዱ አከደው።

እት ደንገቤ ናይ እሊ እብ በራምጅ ዓዳት ለገምለ በራምጅ፡ እብ ሰፋረት ዲብ ትዝመ ወራታት እብ ምራዶም እግል ሸቀው አፍራድ ሸሃዳት ሐምዲ ትሀዩቡ።

ዲብ አሰመረ ለገብአ እድንያይ ወዕለ 2025 ተመ

"እድንያይ ወናይ መንጠቀት መዓወናት እግል ዐማር ዳይመት" እብ ትብል ሰቅራት ዲብ ዮም 4 ጃንዋሪ ዲብ አሰመረ ለትክሰተ እድንያይ ዋዕለ ድራሳት ኤረትሮፕ 2025 ማሌ ለሀ 6 ጃንዋሪ ተመ።

ወዘር ካርጅየት አሰይድ ዑሰማን ሳልሕ ዲብ አሰመሪ ከሊመት ካቲመ፡ እሊ መጃላት ብዙሕ ዲብ ሐቱ ዐግሎ ለአምጽአ እድንያይ ዋዕለ እብ ዐውቱ እግል ልትመም፡ ለከድመው ወዶር ለቀደመው እንዲ ሐመድ፡ ለትቀደመ ውራቅ ወለገብአ ህድግ - ለኤረትሮፕ እብ ናይ ሰትራትጅየት ወጀግራፍየት መካራት ዲብ እቅትሳድ ሶታይ፡ ሐርሱ፡ ተዐዲን ውብዕድ ለሀላ እግል ለኢትሕንፈል አርዛቅ ወሀቱ ለከልቁ ኡብካት ፋይሕ ለለአርኤ ክም ዐለ ሸርሐ።

ወዘር ዑሰማን እንዲ አትሉ፡ ለዋዕለ- ኤረትሮፕ ምን መደት ረያም እንዲ አንበተት ትከድም

ቀደመቱ ተቅሪር፡ ለናይ አካዳሚ አርድየት፡ - ዲብ 19 ሸዓር ለትካፈሉ፡ ወጠንያይ፡ ናይ መንጠቀት ወእድንያ ቀድያት ለሸርሕ ውራቅ በሐስ ከም ትቀደመ እቱ ወዕዉት ክም ዐለ አፍሀሙ።

ርኢሊት መዳልያይት ልጅነት ደክቶረት ሐሊመ መሓመድ እግል ኤሪን እተ ሀበተ ሐብሬ፡ ለእብ መሻረከት ዘያድ 530 ሰብ ምህነት፡ ምኤምረት ወግሕሲን ለገምለ ዋዕለ፡ ለተሐረ ሸዓር ለሸርሕ ምህም ውራቅ በሐስ ውብዕድ ወራታት ከም ትሐደረ እንዲ አብርሀት፡ ለሀላ እነ አብካት ወመጋድዕት እግል ነአሌሌ ክም አተቅደደነ አተበተት።

እትሊ እድንያይ ዋዕለ ዲብ ናይ ጠቢዐት ወእጅትማዕየት ዕሉም፡ ሐርሱ፡ አርዛቅ በሐር፡ ዕልም አሳር ወውርስ ወጠን፡ ኡብካት ወተሐድያት ዲያሰፖራ፡ እቅትሳድ፡ ዐቦት፡ ድዋር ወመትባዳ ሓለት



ዘያድ 150 ውራቅ በሐስ ትቀደመ።

ምን ጀርመን፡ ኢጣልያ ብሪጣን፡ ጀምሁርያት ቻይና፡ ፊደራሽን ሩሲያ፡ ሃንጋሪ፡ ህንድ፡ መሰር፡ ኡጋንዳ፡ ሶማልያ፡ ሱዳን፡ ኩባ፡ አሜሪካ፡ ከነደ ውብዕድ ድወል ለመጽአው ኤረትሮፕን ወውላድ ካርጅ ለሻረከው እቱ እድንያይ ዋዕለ ድራሳት ኤረትሮፕ



እቱ ለጸንሐት፡ እት መባድእ ስያደት ወመሳልሕ ሕበር ለተአሰሰ ጽምዶ ወመጋብህት ተሐድያት ሕበር ለረሸድ ክምቱ አፍሀሙ። መዳልያይት ልጅነት ዲብ

ጀው፡ ህግዩ ወዕልም ህግዩ ቃትን፡ ሕክምነ ወዕልም ዓፍየት፡ ስያሰት ወእድንያይ ቅደይ፡ ዕልም ወቴክኖሎጂ፡ እተ ክምሰልሁሙ በሀል ዓዳት ወዕልም ሙሲቀት

2025 ዓም እጅትማዳት፡ ህድግ መጃምዕ፡ ህድግ ሕበር፡ መሓብር - ግማት ወናይ ሰወር ወዓዳት ዕፊ ለከምከመ ዐለ።

ከበር እስትሸሃድ


ነፈር እዳረት አቅሊም ቅብለት በሐር ቀየሕ ሙናድል ገዲም አሕመድ አድም አሕመድ (ደቡብ) ዲብ ዮም 5 ጃንዋሪ እብ አመቱ ኢተአመረት ሕማም ዲብ 65 ሰነት ዕምሩ አስተሸሀደ።

ዲብ ወርሕ ማዮ 1974 ዲብ ቅዋት ሸዕብ ተሕሪር ኤረትሮፕ ለትሓበረ ሙናድል አሕመድ፡ ዲብ መደት ግድለ ሰላሕ ዲብ ዳሸ ቅታል፡ ቅሰም እዕላም፡ ሐቆ ሕርየት ህዩ ዲብ ምዴርየት ነቅፊ ክም መሰሉል ቅሰም ከሀረበት፡ መሰሉል መታብዕት መሻርዕ ማይ እዳረት አቅሊም፡ ወመሰሉል ጣቀት አቅሊም ቅብለት በሐር ቀየሕ እንዲ ገብአ ሸዐብ ወዐዱ እብ መትሳሳል ለከድመ ምሐርባይ ቱ።

ገዲም ሙናድል አሕመድ አድም በዓል ፈረዕ ወ12 ዋልድ ቱ።

ዓደት ቀብሩ ህዩ ማሌ ለሀ ዮም 6 ጃንዋሪ ምን ገጽ ፊጅር ዲብ መቅበረት ሸሀደ ባጽዕ ገብእት።

እዳረት አቅሊም ቅብለት በሐር ቀየሕ እብ እስትሸሃድ ገዲም ሙናድል አሕመድ አድም (ደቡብ) ሐዘነ ዲብ ትሸርሕ እግል ዐይለቱ፡ ናይ ግድለ መልሀደሙ ወመሻቂቱ ኤማን ወሰብር ለሀበክም ትብል።



አስመራ-ፓላስ: እድንያይ ዋዕለ ድራሳት ኤሪትሮ 2025

ሰወር፣ ሳልሕ ዐብይዳድር

ምን ዮም 4 አስከ 6 ጃንዋሪ 2025: “እድንያይት ወናይ መንጠቀት መዓወነት እግል ዐቦት ዳይመት” እብ ትብል ሰቅራት ዲብ አስመራ ፓላስ ገብእ ለአስመን ወዘር እዕላም አሰይድ የማይ ገብሬመስቀል ለፈትሐዩ ወሄራር ሰደሰት ኤሪትሮየ እት ኩሉ መጃላት ዐማር ለፈሰረ ዲቡ እድንያይ ወዕለ ድራሳት ኤሪትሮየ እብ ሰርገል ናይር ተ'መ።



ደክቶሪት ሐሊመ መሐመድ

ወዘር የማይ እት መእተዮሰ ወዕለ: “ኤሪትሮየ እብ መብደእ መተንኮብ እት ናሰ ምን ሄረረት፡ መትኦታይ ውላድ ካርጅ እት ቅደይ ቀበት ዐደ እግሉ ምን ኢረክዐት፡ ለብዕድ ድወል ራቴዕ ሰደሳት እግል ል'ተበዕ ገበይ ምን ሐበረት ወቀፍረት፡ ሀይመነት ወዘማቴ ቅዋት ካርጅ

እት መንጠቀትን ወቃረትን እሉ ምን ሰ'ቀት፡ ብዙሕ መግዘም ጨቅዋ ክም ከሀለት ወትዕዲት፡ እግል ሓድራምለ ወዕለ ለአብረሀ ዲብ መናሰበት እንብተትለ ወዕለ ሰበት ዐለት፡ ብዝሓም ሻክሬት ሱረት ኤሪትሮየ ለዐለት እሉም ውላድ ካርጅ እት ከዮ ዐዳለት ክም ለከሰሶ ለአመርቤት ከሊመት ውጅህት አስመዐዮም።

እሊ 157 ፊሀም ብዙሕ እግል ልትረከብ ምንን ለቀድር ውራቅ ብሐሰ እት ለትፈናተ መጃላት ዕሉም ጠቢዐት ወእጅትማዕየት ለትየመመየ እሉ፡ ወምንን 151 ዕልማይ ድራሳት እብ ለትቀደመየ ውራቅ፡ ኤሪትሮየ እት ዐቦት ለሄረረቱ መትቀዳም፡ ክምሰልሁ መን ውላድ ካርጅ ወዳርሳም ውላድ ዐድ እብ ልትቀደም ውራቅ፡ ወጠንያይት፡ ናይ መንጠቀት ወእዲነ ዐቦት ተዕለም፡ ዓፍየት፡ ሐርቤ፡ ዲፕሎማሲየት፡ ሰደሰት ወአዋራፍ እቱ ቀደም ለልኦብል ዕልም ወብሐሰ እንዴ አደቀብኩ፡ ተቅደር እት ተጠውር እግል አምጽኦት ለሀደፋ ዐለ።

ለውራቅ፡ ዲብ ዕሉም ወተጠውር፡ ዐገል ካርጅየት ኤሪትሮየ፡ አደቃብ ንዛም ተዐለም እብ ብሐሰ፡ ተሐድዶት ወአብኮት ከደማት ዓፍየት፡ ተዐለም ወዐዳለት እጅትማዕየት፡ ህግየ ወቴክኖሎጂ፡ መተንኮብ እት ናሰ ክም መብደእ ኤሪትሮየ ተርጅመቱ

ወሀደፋ፡ ዐቂብ ሰደደት ወእድያይት ሐሊት፡ ዕሉም ድዋር ወተቅደራት ሓለት ጀው፡ ድራሳት እዳረት ውርቤ ዶር ቃኑን እት አደቃብ ሸርከት ድወል መንጠቀት፡ ሸኡን ዋባዐት ወተርጅመት፡ እተክምሰልሁመ ብዕድ እርስእ እቱ ለአተንከብ ዲብ ገብእ፡ መሻረከት ዲብ ዐድ ወካርጅ ለኩብር ኤሪትሮየን መዋጥኒን እብ ዓመት ወሸባብ እብ ፍንቱይ 70 ምእታይት ዐለት፡ ለውራቅ እግል



አንሳት ዳርሳትመ አካን ለልሀይብ ወብሐሰን ለቀደመየ እቱ ዐለ።

ዐገል ካርጅየት ኤሪትሮየ እብ ከሰለ ወረቀት ለቀደመ መሰኡል ቅደይ ሰፋረት ኤሪትሮየ ዲብ አቶብየ ወእተሓድ አፍሪቀ አሰይድ ቢንያም ቦርሄ፡ ዐገል ካርጅየት ኤሪትሮየ ተእሪክ ወክልፍየት ክም ቡ እንዴ ሐበረ፡ ሐርያን ሐር ወአመትከባት ላዋሽ-እደይ እት ለአቅድየትከ ምን አግደ ታክያቱ ክም፡ ዲብ ሐልፈ ሰኒን ዐውል ክም ትደፍዐ እቱ እት ለአበርህ፡ እትሊ ወክድ ንኩ ራቴዕ ክም፡ ለፊሀመየ ድወል ተልደሁ ክም ህለየ እብ አምሳል ለ'ተለ ተውዴሕ ፋዩሕ ሀብ እቱ።

መጃል ተዐለም እት ዐድነ ለተምትም ወረቀት ዲብ ህዬ፡ ዲብ ካልኦይት ደረጀት ለህለው ደረሳነ ዲብ ተዐለም ለትሀሌ እግሎም ንየት ከፎ ነዓብየ ወረቀብቶም እንወቅል ዲብ ልብል ሸዓር ለሀደገት ወትናቀሽ ዲብ ዐለት።

እተ ልትርኤ ለሀለ ናይ ጂኦ-ሰደሰት ሕልፍ ለትከሰሰት ወረቀት ብሐሰ ለቀደመ ወድ ኡንጋደ ሚሰተር ላምበርት ኢቤቱ እብ ጀሀቱ፡ እድንያይ ንዛም እቅትሳድ፡ አፍሪቀ ለበንግ ሰበት ጸንሐ፡ ድወል አፍሪቀ ለመጽእ መሐለኪት እግል ልጋብህ ምሰል እግል ልጽመደ ወልክደመ እቱ፡ ወእት ሸራካት እንዴ አምሃየ እግል ልሸቀየ፡ አፍሪቃመ ክም ቃረት ሸክለ እንዴ አሰኔት እግል ጽምዶ ዱሊት ክም ህሌት እግል ተአክድ ለአበረሀት ተ።

ዕድውየት ኤሪትሮየ ዲብ ናይ መንጠቀት ሕር-ትጃረት አፍሪቀ እብ መጅብ ቃኑን ለትብል ወረቀት ለቀደመት በዐል መቅደረት ቃኑን ሶልያን ንጉሴ ህዬ፡ እትሊ ናይ መንጠቀት ተንዚም መትሓር ምኑ ለልትረከብ መካሰብ ወለሀለ ተሐድዶት እብ ተፋሲል ሸርሐቱ። እተ ወዕለ፡ አሀምየት ዐቦት

ዳይመት ለቡ ውራቅ ብሐሰ፡ መዕረድ አክትብት ወእብ ፖሰተር ለሸሬሕ ሰወር፡ ወዐዳለት ጀብሀት ሸዕብየት እት ሕቁቅ አሲሪን አቶብየ፡ ወመተንኮብ እት ናሰ ምን ሚዳን ግድለ ሰለሕነ ለአንብተት ሰልል ረያም ለአሳሱ ክም ቱ ለወዴሕ አፍላም'መ ክፋለ መ-እተመር ዐለ።

እትሊ ወዕለ ድራሳት ኤሪትሮየ፡ መሻረከት ምኤምረት አንሳት፡ ተረት ቁድረት ምህናት ላቶም ኤሪትሮየን



በክት ለፈትሐ እሉም ወበቃዕቶም ለመዝነው እቱ መናሰበት ገእ እሉም።

እሊ እድንያይ ዋዕለ ድራሳት ኤሪትሮየ እብ አግቡይ ተንዚመ፡ ትንከር በራምጃቱ ወብዝሐ ለትቀደመ ጽበዋ ውራቅ ወመቀድመት ለረዬሕ ወለልኦትመራምር ዐለ። እሊ ህዬ እብ ፈድል ካድም ናይላ እምበል ሕላሌ ላሊ ወአምዕል ሕበር ለሸቁት ምን 17 ነፈር ለቁመት እሉ ልጅነት ሚመየት፡ አዳላይ ወዝዋት ክም ተ ለሸርሐት እም-መንበርላ መመቅረሓይት ልጅነት ደክቶሪት ሐሊመ መሐመድ፡ ናይ ሰነት ካድም ክም ገብእ ዲብ ወምን ዝያድ 300 ኤሪትሮየ ለከሰሰ ውራቅ ብሐሰ፡ ዲብ 157 ክም አትጫረው፡ ወለብዕድመ ጽበዋ ሐምቅ ለቡ እንዴ ኢገብእ፡ ምሰል ዝሩፍ፡ ተምዊል ወኢረኪብ ወቅት ክም ተርፈ ተአፍህም።

እሊ ምን ዮም 4-6 ጃንዋሪ 2025፡ እት መደት ሐጫር ለገብእ ወአክል እለ ተጅርበት ምን ዕሉማለአተላለ ኤሪትሮየን ምን ዐድ ወካርጅ ውላድ ካርጅ ለሻረከው እቱ እድንያይ ዋዕለ፡ ሱረት ወዋቅዕ ኤሪትሮየ እግል ልትሸራሕ ወልትአመር በክት ለከልቀት አር ድየት ክም፡ እንዴ ሐበረው፡ መአሰሳት ተዐለም ውቁል ኤሪትሮየ ለአፍሪኦም ሸባብ እብ ቀደመው ዶር ወመሻረከት ሐመደው።

እት ሳልሳይት አምዕል ለትቀደመ ውራቅ ፡ ታርፌ ወመሰከብ ወድ አዳም፡ አሀምየት እጅትማዕያይት ዓፍየት፡ ብዝሐ ጅንሰየት፡ ሀውየት ዓዳት ወእስትዕማር ሐዲሰ፡ ናይ መንጠቀት ወእድንዮ ተሐድዶት ወዲብ ፈዳልየት አሀዳፍ ዐማር ዳይመት፡ አትሓያሰ መናበረት መዋጥኒን እብ በራናምጅ ሰልፈት ሕድት፡ ደማነት እት መትነፈዕ ደው፡ መሻረከት መጅተማዕ ዲብ ዐቦት እቅትሳድ፡ ተአሰር ተእሪክ እብ እመራም ኬትብት፡ አትሐላላፍ ተዐለም እብ ቴክኖጂ፡ ጋብሆት አከይ አፍዓል እት ቃኑንያይ ከዋ በሐር ቀየሕ ወድዋረ፡ ዕፌ መሰቀት ወፈን፡ ሕንፈል ርዝቅ መዓድን ወአብሳር ታየኖቱ ወሕፋሩ፡ ደማነት ነብረ ወቅዝ ለልብል ልትረከብ ዐለ ዲቡ።

ዲብ 78 12 ልተላሌ

ዕሉማም ሸባንመ ለትትሐመድ ዐለት። እትሊ ለሸባብ መጦርላ



ሚሰተር ላምበርት ኢቤቱ ዳርሳም ውቁላም ድወል ካርጅ ፕሮፌሰራት ውራቅ ብሐሰም እብ ደማነት ዛይደት እት ቀድሞ ዶል ትርኤ፡ እብ አማን ኤሪትሮየ፡ እት ሕርየት ሰኒን ብዙሕ ለወዴት ዱሊት ድኢትን፡ እት መደት ሐጫር አክል



ፕሮፌሰር ሰለሙን ተ/ማርያም እሉም ለዐለመት ኢመሰል እትኩ። እሉም ውራቅ ብሐሰ ቀድሞ ለህለው ኤሪትሮየን ዕሉማም ሸባብ፡ ለዋዕለ አምር ወተጃርብ እግል ልክሰቤ፡ እተክምሰልሁመ ምሰል ኤሪትሮየን ውላድ ካርጅ ዳርሳም ናይ ለትፈናተ መጃላት ዕልም ወቴክኖሎጂ እግል ልትአመር



እጅግ ግብር

ክል አርቡዕ ለትጠ'በዕ ጀሪደት

መዳልያይ፡-
- መሐመድ እድራሰ

ለይአውት ወአርተዖት
* ዘሀረ ዐሊ
* ፋጥነ አድም

ተለፎን፡ 121797/07121322
ፋክስ፡127749፡ ዕ.ሰ.በ፡ 247

ተውዝዕ ጀሪደት፡
ተለፎን፡ 200454

አትአመርት፡
ተለፎን፡ 125013፡ ዕ.ሰ.በ፡ 1284

ዓይ ክፈል

እትለ አምዕል እለ ክሉ እሎም ክልኡት ፍቲያም ለልቡሉ ወለ ለሀድጎ እቡ ክሉ ትብህል ወትግገመ፡፡ ላመ እቲ ዐለው ድዋር እግል እሎም ክልኡት ፍቲያም ሰዔ ለሀለ እት መሰል፡ እግሎም ለራሽ ወለ ለአፈርህ ክምን ድግሙ ወበህሉ ለፈርህ ወድ አደሚ ልንክሽ ወልዕቤ ሕሰ ኢትሰምዐ እቲ ወሕናን ለባካት፡፡ ትሰምዐ ምንዲ ገብእ ክርንላ ደበለት ለቡዲር አደርዐት ሰኔት ሐሉፍ ለዐላ፡ ወሐሬ እብ ቅዝር ወራሽት ከረም ለትብሽረ ኢገበእ ምንዲ ገብእ፡ ሐቲ ወአክል እለ እት መሐርም ራሽት ሕናን ወዕዋይ ለወዴ የዐላ፡ ለእብ ሰዐር ወንጫይ ፈይራት ወዕንባታት ጋምል ሀወል ወሀንን ወዴ ወልብል ለዐለ ድዋር፡ ምስለ ግሩም መካሪቲ ወመፋግሩ፡ አወደገ ወሳሳቲ ወለዐል ለታኪ አድብሩ ወተሐት ዱትን መሓዛቲ፡ ለእብ ክልቀት ረቢ ዑሩር ወግርም ጠቢዐት ካልቅ ሐቲ የዐለት፡ ፡ ህተ እግል ናሰ እግል እት በሐር ሻማት ለተአተርቅ ወእት ልገተ እግል ትተልቅሽሽ ለትዳርከከ ሓለት ተ ለዐለት፡፡ ፈረት ምን ወአሰክለ ቅብላተ ጭቅብሪቅ እት ልብል ረአይ ክልኤ ዕንክ ምንዲ ኢቀጤሕ ልብ ለትአብየ ላተ የዐለት፡፡ ንህብ እብ ዕሽል ወፈንተ ምን መጠጤ እት መዋዋ ክሉ ለእቲ ዐለው ድዋረ ጂጃ ቲ ልብል ለዐላ፡ ህታመ እተ እብ ህያብ ረቢ ትከፈለየ ወቀይ እግል ተአውቀተ ተ ለትዐጅጅ ለዐለት እንዴ ኢታን፡ የም ዴረር ድንግል ወመንደላይ ላቲ የዐለ እግላ፡፡

አምዕል ምን ጽብሐተ ጸሓይ ምን መትወቃል አሰክ ምውዳቀ እግል ተአድርሬ አሰተብዴት፡፡ አዘመ ድንግል ወመንደላይ አልባሎም ምን ማሰ ምድር ሀሰክ ወፈርህ፡፡ ረቢ ካርዐ ትግበእ ሓለት ፍቲያም፡፡ ምን ጽልመቲ ኢታን ወምን እት ላሊ ለዐይር አው ክደን፡ ምስል ብርድ ወሰመ ትትጋየም፡ ፈርህቶም ለዐለት፡ ፡ ፈርህቶም ምን መትፈንታይ ዐለ ከእብ አልባሎም ትረብሽ ወደሚርም መ ቀሰ ወአተቅሰ፡፡

ምስል መትባዳል አድሐ ወላሊ ጠቢዐት ወድ ሚን አደሚመ ትትቃየር፡፡ ሰበቡ በርህት ወጽልመት ሐቲ ኢገብእ፡ ላሊ ሀዳኦት ወሰኩን እት ለህሌ እቲ፡ ፈርህትም ምስል ትዐይር፡፡ አድሐ ህይ፡ ክምስለ በርህተ ክሉ ዳይክ እግል ቲዴ እተ ወእኪት ወሰኔት አባይ ወፈታይ እግል ተአሌሌ እተ ትቀድር፡፡ ህቶመ እለ ምንዲ አመረውቶም ለእብ ምን ምጽአተ ወመሶተ ለሀሰኩ ለዐለው፡፡ እለ ወካልእ እት ደሚርለ ፈተኛ ለልትሰወር ለዐላ፡ እግል እብ ሕክም ካልቅ ትሳይር ጠቢዐት ሐቲህ ኢገብእ፡፡ ጸሓይ ላቲ የም እሎም ክልኡት ሸባባት ልበ እንዴ ኢትህይብ፡ እግል እብ ካልቅ ተሐደደ እግል ወቅት እንዴ አውፊት የም ምዕያረ እግል ቲዴ አሰክ ምውዳቀ ተአድርሬ ዐለት፡፡

ህቶመ ሐቅ መዓል ፋይሕ

ድንግል ወመንደላይ

እት ሐያት ዴረርም ዝክረት ዐባይ ለሰጅለት አምዕል እንዴ ወዐለው፡ ለእቲ ዐለው ድዋር ዐዘለቲ ሸክከት ምፍጋር ጸሓይ እግል መሶት በልሰ፡፡ ምን መጋሲቶም እብ ደሐን ትመየው እንዴ ኢልትፈናተው፡ ላሊ ዝያድ አምዕል እግል ዴረርም ክምስለ ፈርህወ እንዴ ኢትገብእ ግዊት እት እንተ እንዴ አርደው እግል ልትሃጀኮ እተ ወለዘት ወጠዐም ሻማቶም ለአትዳውሮ እተ ትፋህመው፡፡ አይወ! እለ ላሊ ለክል ፋርህ ለእብ ዝያድ ተአብህጅ ወተአፈርህ! እት ጀላብ ሻማቶም ምስል ላሊ ወአው፡ ጽልመተ ወፈርህተ ድንግል ወመንደላይ ገለድ ትባይአው፡፡

ጀህራይ እንዴ ቀንጸ ክምእኒ በልሰ እተ እግል እትዩ፡ “ሰምኒኒ ሰንደለት፡፡ እትዩ እግል ሊበልቲ አፋይ፡፡ ሰንደለትመ ኢትብዘሕ እትኪ፡ ኢውሕደት እትኪ ምንዲ ኢገብእ፡፡ አልባብ አሕድ ለሐዜ ወምስል ሰክብ ወቀንጽ እት አሕድ ገበይ ኢለሐግል፡፡ እመኒኒ ለትከርዑ ሰበር ይህሌት፡፡ ወለትዐንቅፋ ክርሚደት ኢትወተደት፡፡ ላሊ ህይ ሐቅ ሕርያን ወዴናህ እግል አዳወርት ለዘት ሻም፡፡ እግልዬ ደሐንተ፡፡ እትኪ ላቲ እፈርህ ህሌት፡፡ ልብ ፋቲ ሐቲ ኢትከርዑ እንዴ ኢታን፡፡ አሰክ እለ ለእግል መትፈካብከ ሓርያመ ለህሌት አካነት ደብዐት ቅራብ፡ ሴት ሐየት እብ ግብአተ፡ ቀደምዬ መጸአኪ ምንዲ ገብእ፡ እት ብቅት አው እግል ኢትትከረይ ቲ ለህሌት ፈርህቲ፡፡ ገበይመ እግል አንሳይት ትረይም ወትቀርብ እመር ኢታን፡ እግል አንሳይት ለሳድፍ መታክል፡ እብ ፍንቲይ አሰክ አነ ወእንቲ እት አካነ ዕድምን ንትራክብ፡ ምን አመረ ትደገገ፡፡ ላሊ ህይ አላፋተ፡ እለ ወሌሂ እንዴ ቲልከ ኢልትዐለብ፡፡ አይወ! ላሊ ምን እግሉ ትርኤ ወለእግሉ ኢትርኤ አላፈት በዘሕ እተ፡ እት ሕንጎሰተ ህይ ፈርህት ወበህጀት እንዴ ሐዘለት ተዐይረከ፡፡ ዴረር ለልትብህል መክሉቅ ንበሉ፡ ሚ ሸዑር፡ ከንደእ ለእለ እንብሉ፡፡ በዐሉ ምን ለእግል ስቲት ለህለ ሐር ኢለአቀብል፡፡ ላሊ ግዊት እት እንተ ወፍርህት፡ በዐል ሻም ምን ናይ ልቡ ኢትከርዑ ወኢሰክብ” ቢለየ ከእግል ልቅነጽ እብ በግሩ ገብእ፡ እግል ዕንጉን ክላል ለዐጋማይ ለምን ደብዐት ቅራብ ብቲክ ለምርት ቀሩ እግል ጋምለት ግሰትለ ደግድጋሁ እት ማሸዋ ወተካትክ እቡ፡፡

እትዩ እግል ረአይ ወበህል ሚልካይ ልበ ጀህራይ ተአተንሴ ሐቅለ ጸንሐት፡ እግል አክለ ደነተ ክምስል ሕርብት እግል ግሩም ገጸ ሕጌ ለትገብእ መሃይ-ቲበል እንክር ማነ ወገለበ እት ትሻንክ፡ ክምስል መሰ በርቅ እበ እንጅሕ ለመሰለ አንዬባተ ትብራሽአት እግሉ፡፡ እለ ሰድ እለ “ያረቢ ኢተአትዘመ” እት ልብል ጀህራይ፡ “ሸር ሓሰድ ምድር ወሰመ” እግል ልክለእ እት ረቢሁ ትድዐ፡፡

እንዴ አትሌት “አቤ! ጀህራይ ጽብሕ ምድር፡ ለሰሚቹ እንዴ አትሐተፍክ ምን ሰንደለት ለቲልከኒተ፡ ሸክረን ህታመ ሰሚቹ ተ፡፡ እምዬ ለከትረተ እግልዬ ሰሚት ክርሰተ፡ ወእንተ ረቢ እት ልብከ አተውረደየ እግልከ ወአብ አፍክ አፍገርካህ፡፡ እታመ እግል ላሊ ለሐሬነ እቡ ሸእ፡ ላሊ እግል ፋርህ ወሰርቃይ ምን ዕን ብህላይ ወመታክል (ሰርዕ) ህተ ግዊት ሰበት ተ፡ ጽልመተ ላሊ ገለብ ምን ዕንታት ሰብ ቤለ ወትብህሉ፡ እግል ጋብአት ወኢጋብአት ለልብሎ ትገብእ እግል፡፡ በህለቹ ሕነ ክምስል ክልኡት ፍቲያም እት ጽልመተ ላሊ እግል ንትራክብ ወለዘት ዴረርን ነአትዳወር፡ ላሊ ጽልመተ እግልነ በርህተ ወፈርህተ ሐጠር፡ ወአውወ መልህይ እግልናተ፡፡ ከሕነ ምን እት ላሊ እንፈርህ ለከብድ እትነ አው ወብዕድ አባይ፡ እት ፍንቲትነ ለህሌት ዐዛብ ወትርሃን ወተቀም እብ ሀጋይን ልትከሊም እትነ አለቡ፡ እንዴ እንቤቲ ለሐሬናህ፡ ምስልከ



ላቲ ዋዕም ክምስል መራር፡ ሰበር ክምስል ግፍሐት፡ ፈርህት ክምስል ኤማን ወሰላም ትትርኤኒ፡፡ አይወ! ክምስልሃተ! በሰ ረዩም ነህሌ ወቅሩብ እትለ እተ ዑድማም ለህሌት ምግላይነ እተ ንትራክብ፡ እብ ቤት ሐየት ገብአት ኢትን ለእንፈርህ፡ ወንን (አብ እድረሰ) ላቲ ደሐንቲ ሐቅ ናሰክ ወሰ-ወሰ ኢቲልካሁ ኢልትሃለግ እትከ ልትብህል፡፡ ለሐራሰ ገመኔ ህይ፡ ረቢ ሸረ ልክለአን፡፡ አንተ እተ ለመጸአካሃተ አነ እተ እጸንሐከ፡ ወእንተ እተ ትጸንሐንኒ፡፡ ደሐን አምሴ ድራርዬ” ቲሉ፡፡ ከብርጋጋይ ገብአት አሰርለ አግለ ለእግል ምዕያር አሰክ መሰከቡ እት ልትሳሰዴ እማት ናይድ ልትቀደሙ

ለዐላ፡፡ ጀህራይ እግል ልቡ ምንኪነ ዳውር ለዐለ እትዩ እት ልትፈንቲ ምን እሳት ትሐፍን እቲ ምንመ ዐለት፡ “ምራዱ ራክብ ናሱ በዐልዬ” እት ልብል አሰክ ለእግሉ ዋድያም ለዐለው ወጃብ አሰክ ኢነት መትዋጅሆቶም ስኒን ጋብእ እቲ እት እንቲ፡ ክልኤ እግሩ እት ልስሕብን ሸክክላ ሓሁ ዐለት እተ ሳሰት ንሰ፡፡ ለእግል ቤለ ምን ልብል ጀህራይ ነባሪ ገቢሉ እግል ለሐሸም ላዘም ገብእ እቲ፡፡ እግል ከሌብ (ሰርዕ) ልትዕዴ ሰበት ኢቀድር፡ ሰቅድ ለኢትአሰረ እተ እግሉ ድንግል እግል ልክረዕ ላቲ ሐሊት ትግበእ ወቅድረት የዐለት እግሉ፡፡ ክልኤ ዕንቲ ተለይቶ ልቡ እንዴ ገብአየ እግል ሰርሐ እትዩ እት ፍሩረን ዐላ፡፡ ልብ ህይ ረአይ ወሰመዕ ልታለው እግል እት ወቀዩ ልትዐወት፡፡ ረአይ ወሰመዕ ጀህራይ ምስል ልቡ ምስል እትዩ አሰክ ዐደ ታለው፡፡ ላሊ ዴራት ወአምዕል አሰክ ምምያየ አሰረረት፡፡ ምንሕት (ንዋይ) ዐድ አሰክ ምምያየ ወመሰከበ ዴረት፡ ፡ ወአው ከደን እግል ባቅያይት

ወባይደት እግል ድራረ ወዕለታይ ኡከተ ትፈረረት፡፡ መንበር እዲነ በዲረ በላሊር ተ፡፡ ገሌ መክሉቃት ወቅት ጽልመተ ወፈርህት የም ሰክቡ ወዐቂብ አርወሐቲ ወራሐት ደሚሩ እት ገብእ፡ ሰር ህይ እብ ድዱ፡ ላሊ እብ ጽልመተ እንዴ ትሐገ መናበረቲ እት ላሊ ለአትጋይሰመ ኢትሐገለ፡፡ ላሊመ እግል ልትሳኔ ምስል እብ እረየ ትዐይሩ፡፡

ድንግል ወመንደላይም ላሊ ምን አሕድ ፈናቲቶም፡፡ በዲር ላቲ ምስል (ላሊ ሰከባመ ወአድሐ ጽጉባመ ሊዲነ) እንዴ ቤለው፡ አመት ሰከባም ወድወ ለዐለው መክሉቅ ምንማቶም ለዐለው፡ ሐቅ እለ ላቲ ምን ምስል ላሊ


ፍሩራመ ወአድሐ ሰከባመ ሊዲነ ለልብሎ መክሉቃት እግል ልግብእ ትፋህመው፡፡ አይወ! ክምስል አው ከደን ላሊ እግል ልትፈረር ወጽብሕ ምድር አሰክ መሳክሎም ለአቅብሎ ቲ ለዐለት መፋህመቶም፡፡ እሎም አው ዴረር ላቶም አብጽሐት፡፡ አምዕል ለእብ አበወ ህይ “የመቲ ወለት ፍላን ባድዮት ትግበእ፡ እግል ወድ ፍላን እት ትትንዴ ወትሐዜ፡ አንሳይት ለኢትወደየ ወኢትካይደ እንዴ ኬደት፡ ረቢ አርኤኒ እግሉ ትሹቤት፡፡ አህእ! ለመክሩህ ወእትጠወጠ ለህይ ከበሩ ሳምንሙ ህሌክም? እግል ወለት ፍላን አግሎብ እንዴ አሻረፈ ረቢ አርኤኒ ወአሰምዴ፡ እት አካን እገሌ ምስል እት ከማትሕ ወልትጋብብ፡፡ ደቦ! ውሉድ ኢልግበአ፡፡ እለ ቆም እለ

ዴብ ኢለአምር ወፈታይ ኢለአንድል፡፡ እተ ዐለት ለኢትደገመት፡፡ ወኢትብህለት ለኢትርኤት ወኢትሰምዐት!! የሀው ግድም እተ መጽአት ለሓይሰነ በሎ፡፡ አምዕሎም ትጥለም አምዕልነ አጥለመው! እለ እማመት ተ ኢታን! ሸንጉል እለ ሰርዕ ተ ወእለ ወርዕ ሐቅ ኢቤለ ከሚ ህሌት መሰለክም”? ለልብል በህል ሕሚት ምን እግል ሻምም እት ልብሎ፡ ምስል እት ወቅት አው ከደን እቲ ምስሉ እግል ለአተፍቅ ትጀበረው፡፡ በህለት ምን አው ዐድ እት ለሀርቦ ምስል አው ከደን እግል ልትመሳነው ለትቀሰብ ሓለት ረክበው፡፡

ላሊ ሰልፍ እግል ክልኡት ፍቲያም ህታመ እብ ከብቲ ሕሽም ጋሽ ትትከብቶም ለህሌት እት መስል ትከብተቶም፡፡ ግዊት እቶም ምንዲመ ዐለት እምበል ፈርህት ምን ቀርዶም ኢወዐለው ምን፡፡ እትዩ ምን መሳፈት እግል አንሳይት ሰኒ ረያም ለትትብህል አሰክለ እተ ዑድማም ለዐለው ለካን እንዴ ኢትግርፍ ወኢትፈርህ ጠበሽ ክምስል ትቤ፡ እለ ኢታን ጀህራይ እብ ሰምጡ ዎርት እንዴ ገብእ እግል ከፍቲ እት ሕቅፋ ካርህ እት እንቲ ጸንሐየ፡፡ ሰልፍ መጸአተ ገናብተ ሸሐለት ምንመ ዐርገተ፡ ሐቅ አክል አሕድ ለእተ አካንለ ህጅኩም ለጸንሐ ለህለ ጀህራይ ክምስል ቲ ክምስል አመረት፡ ለእብ ግያሰ ወፈርህት ትህንፍእ ለዐለት ልበ እት መሰከበ እንዴ አቅብለት ከህምድ ወዴት፡፡ እግል አድሐ እብ ፈርህት መተቅብላይ ሕሩም ምን ለዐለው ወጅሃታየ እንዴ ቀርቦየ እግል ልሻምለ ወምን ቅሩብ ልትፋጠነ በክት ረክበ፡፡ አክል አሕድ ህይ መጋሲቶም እንዴ አጥፈሐው ህጅክ ሰብ ዴረር እብ ልብ ክሩይ እብ ምንክብ ፋይሕ እግል ልትሃጀኮ ቀድረው፡፡ ወሬሕ እለ ላሊ እለ ምን ሕሚት እሎም ክልኡት ለፈርህ እት መስል በዲር አምሱይ ምንመ ዐላ፡ ዕንታቶም ምን ረአየት አሕድ ክምስል ጸግብ እግል ድዋር አድሐ ጸዐደ ወደዩ እግሎም፡፡ ምን ግሳይ ክምስል መሸገወ ገጸም አሕድ ሃይባሙ እት እንቶም ቀበሊት ነፍዮም መተርአሰ ምን እበን እንዴ አዳለው አሰማሎም ምድር ሃይባሙ፡፡

ሙሰውርት አባል በረከት

እብ ዝያረት አሰክ አቅሊም ጋሽ-በርከ እንዲ ተሰሪክኑ፡ መዲነት ተኩምብዩ ምድል ተአሰሰት ወምን ተአሰሰ አሰክ እለ ለሐልፊቱ መራሕል፡ እግል ለሽራሕ እግል፡ አሰይድ ሕመድ ፈገ መሰኡል ሽብህ መዲነት ተኩምብዩ ስሉላም ዐል። ስምም ጽባዎ ዲብ እለ ናይ የም ጥብባት እንቀድሙ እግልኩም።



ሽብህ መዲነት ተኩምብዩ ተአሰሰ ዲብ መደት ቀዳሚት ጥልያን ኤረትርዮ ዲብ ለአተ እቱ ለአነብት። እብሊ ብዙሕቱ ተአሰክ ሐቆ ጥልያን እንግሊዝ መጸት፡ ሀይሌሰላሲ መጽእ ወሰውረት ተአሰሰት፡ መጥመጥራ መ ናይ ደርጊ ንዛም ዐለ። ሐቆ ሕርዮት ህይ እለ አዜ ልትርኤ እተ ለህለ ኡብያት ለበዝሐ ምኑ ሐዲስ ትወሰከ ወትቡ እተ። እለ መዲነት ተኩምብዩ ምን ትትአሰሰ ዝያድ ዘበን ሐልፍት ለህሌት ሽብህ መዲነት አሰክ እለ ዲብ መዲነት እግል ትብጸኡ ቃድረት ኢህሌትኒ። ለአሰላብ ብዙሕ ምንም ገብእ፡ አሰክ እለ አዜ መዲነት ለህሌት ዲብ አነን እግል ትብኔ እተ ወተአሰተቅር ኖሰ መሻክል ለበ አነንተ። መሓዝ ጋሽ እበ ጀፈረ ገይሰ ሰበት ህለ እምበልሁ መሓዝት ብዕድ ምን እትጃህ ቅብለት ሰበት ለአቱ፡ ምን እለ ለህሌት እንዲ ጋዕዘት ዲብ ብዕድት አነን እግል ትግበእ ረአይ ምን አቅሊም እንዲ ኢተርፍ ልትቀደም ዐለ። ምናተ ለቀዲም ኣሳር አሰክ መደት ሰውረት ለዐለ መዳይን ወዐደታት አነት እግል ልሕደግ አለቡ። ዲብ ለህለዩ አሰናይ ለረከብ እቡ እንዲ ትርኦ እግል ልትሸቄ ህለ እግሉ ለልብል ረአይመ ሰበት መጽእ እግል ትግበዝ ኢቀድረት።

ብዕድ ቀደም ተሕሪር ምን ዶል ዲብ ዶል እብ እስትዕማር አተብዩ ሳድፊ ለዐለ፡ አምዕል ወላሊ ጣኢራት ምን አሰመረ እንዲ ትብገሰ ብዙሕ ቀናብል ልክዔ ዲብ ሰበት ዐለ ክሉ ቃባተ፡ ጋደሞታት፡ አድብረ ጀራዲኑ፡ አብያተ ወአዳመ ነድድ ወልደመር ዐለ። እግልሚ ክም ከልፍየት ወግረ ሰውረት ክም ሀዳሙ፡ ማይቀቀሕ።



ጀርበት መዳክር ሰውረት ሰበት ዐለ፡ ተኩምብዩ ህይ ክም አነን አሳሲ እንዲ ገብእት ክሉ ምን ልትፈረር ዐለ። ምን እለ ለትብገሰ ህይ ሰውረት ህሌት እቱ ወሰውረት ሰዔ ሽብብቱ እንዲ ቤለ ዲብ አሳይ አሰክ ምን ባርንቶ እንዲ ትብገሰ ብዙሕ መደረት ወዲ ዲብ ነብረ። ላኪን እብ ፈድል ሰውረት አሳይ ኢሰክዩ እንዲ ለትሓጥር መጽእ ወእንዲ ሰኪ ለአቀብል ምን ዐለ።

ሐቆ ሕርዮት መ ዲብ መደት ወራር ወያኔ እለ ባካት ክሉ መሰከብ ዲብ ኤረትርዮ ዐለ። ሰነት 2000 ህይ እለ ባካት ዲብ ኤረትርዮ ሰበት አንሰሐብ ምኑ ሽብህ ክሉ ትሻዕተራ፡ አሰክ ዐዲ ቀሺ (ድሞራት ጎኘ) ጌሰ ወእለ አብያት ናይ መዲነት ተኩምብዩ ክሉ ነደ አሰክ ናይ እዳረት ለዐለ መካትብ ክሉ ዝኩ ነሰአው ምኑ ከጌሰው። ምኑ ወኪን መቅበረት ናይ ሹሀዳእ እንዲ ኢትተርፍ እብ ደባባት ወደዘራት እንዲ ሐፍረው ዓጭቃታት ፍራሰ ዲብ ከደን ክም ልትፈንጠር ዋድያም ዐለው። ሰበት እለ ለቀዲም ወሓር እብ እስትዕማር ወዌረት ለገብእ ዲብ ደማር ክመ ለአትሐዜ እግል ኢተአሳድር ለአትአከረያቱ እግል ልትብህል ቀድር።

አዜ ተኩምብዩ እምብል እት ህሌን እብ ዓኢለት ሐድ 1350 እብ ትንፋሰ ህይ 6500 ነሰመት ሽብህ ህለ ዲብ። እለ ሽብህ እለ ምን ቀውምየት ትግርጎ፡ ትግሬ፡ ናረ፡ ኩናሙ፡ ብሌን፡ ሳህ ከምስልሁ ምን ቀብለት ህውሰ ለትጀመግ። መናበረት ናይ እለ ሽብህ እለ ዲብ ሐርስ ወርዕዮ ንዋይ ለረከዘት እትገብእ ምስሉ ንዋይ ወሐርስ እንዲ ወሰከው ዲብ መጃል ትጃረት

ቶኩምብዩ መሰከብ ድቡር ወዕደም

ለልትፈረርመ ህለው። እትሰ መዲነት እለ እግል ሽብህ ከደማት ለልህይብ ብዝሓት መአሰሳት ሕኩመት ወመዳርሰ ምን ረውደት አሰክ ካልአይ ደረጀት ለልአደርሰ አርበዕ መዳርሰ፡ እምበል እለ ከደማት አሰዋግ ለልህይብ ሐድ 40 ለገብእ መአሰሳት ትጃረት ዲብ እለ መዲነት እግል ጋሻይ ወወድዐድ ክድመት ለልህይብ ህለ። እብ ፍንቱይ ለትትርኤ ህይ ዐዳገ ዐባይ ምን ክለ መንጠቀት ለትትመጸእ ክሉ ከይራት ንዋይ፡ እክል፡ ወበዳይዕ ለልትብዜ ዲብ ህሌት እተ።

እለ መዲነት ተኩምብዩ ምን እግል ትሰከን ዝያድ ለትትረቀብ እቡ ሽብህ መሕገዝ ናይ ማይ ሲቶ ሰበት አለቡ። ዲብ ሰነት 2023 ህይ ዝያድ ክድመት ማይ እግል ትርከብ ሰላራት እንዲ አምጽአው እተ ክድመት ክም ለህይብ ጋብእ ህለ። ለህለ ዲቡ ሐድ ሐድ ንቁሳት እግል ልትመም ወክል መቀጥን ዲብ ቤቱ እብ ማሰራት ማይ እግል ልሰቱ ገብእ ወልትሸቄ ህለ።

መዲነት ተኩምብዩ ክም እዳረት ደዋሒ ናይ ምዳርየት ጋሽ-ለዓል፡ እተየ ናይ ጀራዲን ሐድ 70 ለገብእ ሰብኡ እብ መሕበር ለትክምከመው ብዕዳም መ ዲብ መሕበር ለአአተው ህለው ዲብ። እሎም ሰብ ጀራዲን ዲብ አጥራፍ ናይ መሓዝ ጋሽ ሰበት ህለው ክል ሰነት እብ ውሐዝ ብዙሕ መደረት መጽእም፡ ምስል እለ መሻክሎም ላኪን ለእግሉ ለአፈሩ ዲብ ዐዳጋታት ናይ እለ ምዳርየቶም ወአሰክ ባርንቶ ለልኡክ ብዙሕቱ። ናይ ንዋይ ህለዮት መ ዲብ እለ መንጠቀት ብዙሕቱ ምን በርከ ወብዕድ ባካት ኤረትርዮ እግል ርዕዮ እንዲ ትብህለ አሰክ እለ መንጠቀት ለመጽእ የምአለቡ ሰበትቱ ለህለ ከይራት እግል እንዲ ከፈ ብዕዳም እግል ልርከቡ ዲብ ዐደጋታት ክም



ተባድል ምን ሱቅ እግል ልርከቡ ለልሕዙ ድራርያቶም ልትክፍሩ። መሓዝ ጋሽ ሽብህ ዲብ አጥራፍለ መሓዝ ጀራዲን እንዲ ወደ ለአሰተፊድ ምኑ። ማይ እግል ርሐ ወንዋዩ ሰቱ ምኑ ምንም ህለ ለመደረቱ ላኪን ዲብ ጀራዲን ወመዲነት ብዝሕት ህሌት። ክል ሰነት ምን ጀራዲን ገሌ አርድ እንዲ ነሰአ ገይሰ ወዲብ መዲነት እንዲ አታመ ገሌ አብያት ለአከርብ ሰበት ህለ እብ ደረጀት ሽብህ ወእዳረት መዲነት ተኩምብዩ ሐል እግል ልግበእ እግሉ ቃድር ሰበት ኢህለ። እብ ደረጀት ሕኩመት እንዲ ትረኦ ዲብ አጥራፍ ናይሉ መሓዝ ሽባካት አው ድዋር ለገብእ እቡ ለትሐዜ ህለ። ሰነት መዲነት ተኩምብዩ ተቀድሞም

ዲብ መጃል ተዕሊም ወፋህም እብ ሰበት መትክፍሩት መአሰሳት ዓፍየት እግል ንድሌ እግል አሰይድ ሕመድ ክም ሰአልናሁ፡ “ውላድ እለ ዐድ ዲብ ተዕሊም ሰኒ ህለው። ዲብ እለ ለሐልፊት ሰነት ክልኤ መኪነት ዐባይ እንዲ መልአው ክድመት ወጠናም እግል ለሀሀ ወናይ 12 ፊልል ተዕሊም እግል ለአተላላው ሳው ጋይላም ህለው ውላድ ወአዋልድ እብ ሕበር። ሰበት እለ ተዕሊም ሰኒ ህለ እግል ልትብህል ቀድር ዲብ ገሌ ቀውምየት ላኪን ንሳዕ አሰክ እለ ውላዶም ዲብ ተዕሊም እግል ለአቱ ወእግል ለአድርሰ ካድም ለሐዜ ህለ። እብሊ ክልዶል ሰሚናራት ወተዕቢኣት ገብእ ህለ።

ዲብ መጃል ዓፍየት ህይ መሻክል ኢህላኒ ለሐመ ዲብ እለ ለህሌት መአሰሰት ዓፍየት እንዲ መጽእ ልትሳራ ህለ። እለ ለሐልፊ ወክድ ናይ ከረም



አሰይድ ሕመድ ፋጊ

ሰበት እለ በይኑ ለበልዕ ነፈር ኢህላኒ ሰዳይት ናይ ሕበር እግል ክሉ ትገብእ። ምስል ክሉ እለ ዲብ አክር ሰነት እክል ለልኡቱ ክል ሐረሰታይ ምን እቱይ ለህለ ፍሬሁ ገሌ ክም ለአትፋግር ገብእ ወእለ እንዲ ትኣከብ እግል ሕገብም ወሐሰት ለአለቦም እንዲ ትብህለ ልትመቃረሕ።



መ እንዲ ኢተርፍ እብ ሰበት ጫጮት ለትረኦ ሕማም ጥጋዕ ዲብ ሳሪዮት መሻክል ኢዐለ። እብ ጃንብ ሕኩመት አሰክ ናይ ናሙሰያት እንዲ ተህየብ ሽብህ ናሙሰያት ልትነፋዕ ወዲብ ነዳፊት ድዋር ከድመ ወትሓፊዝ ሰበት እለ መደረት ዐባይ እግል ትምጸእ

እት አክር ለህለ እሎም ከደማት ናይ ክርሀበት፡ ተለጩ፡ መጥሰላት እት ወደኡ አሰይድ ሕመድ ፈገ፡ “ናይ ተለጩናት መሻክል ኢህለ እግል፡ ምስል ክሉ ንትራከብ ህሌን። ናይ ክርሀበት ህይ ለሰሜተ ህሌት ምን ባርንቶ ለመጽእ፡ ሰለሰ አው አርባዕ የም በዴ ክልኤ የም ክድመት ተህይብ ወሐቀሀመ ትብዴ። ሰበት እለ ሐል ለአትሐዝዩ ህለ። ምሽክለትን ለዐባይ ላኪን ናይ መጥሰላት፡ ምን ተኩምብዩ አሰክ ባርንቶ 57 ኪሎ መትር ዎሮ ጌሰ ወመጽእ ምንገብእ ምን 300-400 ነቅፈ ደፍዕ መካይን ለንዳይሽ ዲብን። እለንመ ድሙናት ኢኮን እግል አቅብልቱ እንዲ ቤለ ለጌሰ እብ ኢረኪብ መጥሰላት ልትመዬ ወካልእ የመ እንዲ ሐግለ ልትአከር ሰበት እለ መካይን ኢህላኒ። እለ ናይ መጥሰላት መሽክለት ሰኒ ሰድት እትነ ህሌት፡ ሐል እግል ልግበእ እግል ህይ ክልዶል ጠለብን እንቀድም ህሌን” ልብል።

ናይ መሰተቅበል በራምጅ ተኩምብዩ ህይ ዲብ እለ ለሐልፊት ከረም 64 ዓኢለት እብያተን እብ ውሐዝ ለወድቀ ህለ። ክም አውለውየት እግል ልሸቀው ሓሰሳሙ ለህለው ለውሐዝ ዲብ መዲነቶም ለአቱ ለህለ ምስል እብ ደረጀት ምዳርየት ወአቅሊም ለትገብእ እግሎም ሰዳይት፡ ምን ቀበት መዲነት አሰክ ብራር እብ ከአፎ ሸቅወ እንዲ አታመመው እብ ኬወ እግል ልሸቀው እመማም ህለው። ከምስልሁም ዓኢላት ሹሀዳእ አብያት ለለአትሐዝዩም ሰበት ህለው እግሎም ለገብእ ጽላልም ምን አውለውያቶም ቱ።

ሓይላም ወሓይላት ቁርክት ዲብ ሐልፈው አውካድ ታሪክ ንዳል ሸቦብ ኤራትሮፕ እግል ልትወሰቅ፡ እብ ገብአ ጸገም ተጃርብ ንዳል ድድ እስትዕማር ለሌላኩ አክትብት ብዙሕ ትኩረት። ምን እሊ አክትብት እሊ ህዬ ለናይ ደንገብ ሐርብ ተሕሪር ለከሰሰ ካቲመ ለልብል ክታብ ተ። ዲብ እሊ ክታብ እሊ ብዙሕ ለሰትዕጅብ ወለሰትሐብን ቅሰሰ ክቲብ ህለ። ቀደመ ቅሰሰ ላኪን ኸልፍየት ናይላ ናይ ካቲመ ሐርብ ሚ መሰል ዐለ። መርሐለት እብ መርሐለቱ እግል ንርኤቱ ከእግል የም ያይ ክፈል

ለናይ ካቲመ ሐርብ
ንዳም ደርግ ዲብ ኤራትሮፕ ሐርብ ድቁብ ዲብ ገብአ፡ ዲብ ከርሰ አቶብያመ እብ ህጃማት ዲብ ወያኔ ትግራይ እት ዐሎልብት አቲ ዐለ። ቅያደት ጀብህት ሸቦብየት ወወያኔ ህዬ፡ ወዲቅ ንዳም ደርግ እግል አትሻፈጎት፡ ዐሰከርያይ ዐመልያት ለልትመቃረሕ እብ አግቡይ ትኣተኩ። እብ አሳሰ እሊ በርናምጅ እሊ፡ ሐቲ ቦሎሎኒ ደባብ፡ ሐቲ ቦሎሎኒ መድፊዕ፡ ሐቲ ቦሎሎኒ ረሻሽ፡ ክምሰልሁመ ምዳድ ደባብ ወጥያራት ሚሳይል ለተዐንደቀ ምር ብርጌድ መካናይዘድ ጀብህት ሸቦብየት ወናይ ኮማንዶ ቦሎሎኒታት ዲብ ህጃማት ምግብ አቶብየ እግል ልሻርክ መር ዲብ ወያኔ እግል ልትሓረብ ትቀረረ። ለናይ ሕብር ዐሰከርያይ በርናምጅ ዲብ ሰለሰ መራሕል ኩፋል ዐለ።

ለሳልፋይት መርሐለት፡ ዲብ ግርብት ወሬሕ ፊብራይር እንዴ አንብተት አሰክ ሰር ወሬሕ ማርሰ ናይ ሰነት 1991 ለለአተላላ እት ገብአ፡ ሀደፈ ውሕዳት ጀብህት ሸቦብየት እግል ጀብህት ጢያ ወዕዲ እግል ለሃጅም፡ ቅዋት ወያኔ፡ መካናይዘድ ብርጌድ 23 ወውሕዳት ኮማንዶ ጀብህት ሸቦብየት እብ ሕብር ለዲብ ጋድም ሃሙሲት ክፈል ሃገር ጎንደር ለዐለ ዲብ አባይ እንዴ ሃጅመየ በሀሪዳር ወጎንደር እንዴ ጸብጠው እግል ክፍለ-ሃገር ጎንደር ወጎጃም ሐረርት ዐለ።

ለካልኣይት መርሐለት፡ ምን ሰር ወሬሕ ማርሰ እንዴ አምቡተ እግል ክልኣት ወሬሕ ለለአተላላ እትገብአ፡ ሀደፈ ዲብ ሸቦብ ዲብ በይሉል ለዐለ ዲብ አባይ እንዴ ደውሸሽ አሰክ ዐሰብ እግል ልሸአግ፡ ዲብ ወያኔ ወውሕዳት ጀብህት ሸቦብየት ህዬ እብ ጀሁቶም፡ እግል ነሀር አ'ባይ እንዴ ተዐደው እግል ወለገ ወምውዳቅ ጸሓይ ሸው እግል ለሃጅም ለአመመ ዐለ።



ካቲመ- እስትዕማር

ለሳልፋይት መርሐለት፡ ለዲብ ማየ 1991 ለገብአ ኤታን እት ገብአ፡ ዲብ ሸቦብ አሰመረ እንዴ ሃጅመ እግል ምግባይት ቅያደት ካልኣይ አብዮታይ ዲብ እግል ልጸብጥ፡ ቅዋት ወያኔ ወጀብህት ሸቦብየት ህዬ እት ደሴ ወድቀራተ ለዐለ ዲብ አባይ እንዴ ነሐ ኦዲሰአበብ እግል ልእተው ለልብል ዐለ። እብ አሳሰ እሊ ስታት እሊ፡ ጀብህት ሸቦብየት ዲብ ወሬሕ ፊብራይር 1991፡ ዲብ ምዴርየት ደንክል ዲብ ጢያ፡ ዕዲ፡ በርዐላ፡ አፋምቦ፡ በርሐለ፡ ዋዲ፡ ደረብ፡ በይሉል ወዐሰብ ዕሰከር ለዐለ ዲብ አባይ እግል ደውሸሽት ትብገሰ።

ፊብራይር ደንክል
ጀብህት ሸቦብየት፡ ዲብል እግል አ'ገር ዲብ ልግበእ ወመካናይዘድ ኢውጡይ ላቱ እት ሻፍጎት ራድኢት ልግበእ፡ ሴፊ ወሰለሕ እግል ትርኩብ እቲ ለኢትቀድር ሰባት ደንክል እግል ህጃም ልትፈረር እት ህለ፡ ዝያደት ለደምነ እተ ዕንዳቄህ፡ ስሙድ ወክህላት ምናድልቱ ለዐለ።

ዲብ ጀብህት ግንደዕ ደመዋ መጃገረት እተ ትገብእ እቲ ለዐለት ወክድ፡ ቅወት በሐር አቶብየ እብ በዋቢር ሐርብ ምን ደህላክ ወናኩረ



ዲብ ልትብገሰ እግል ባጽዕ እብ ሰለሕ ክቡድ ቀዝፍ ዐለ። ሀደፍ ናይላ ቀዝፍ፡ ለጀብህት ግንደዕ እንዴ በክአ አሰክ ባጽዕ እግል ለአቅብል ናይ ሞት ወሐዮት ጀርቤ ወዴ ለዐለ ዲብ ደርግ፡ ምን ግረ ዲብ ረአሰ ዲብ ሸቦብ ጨቅዋ እንዴ ከለቅክ እግል ስድየቲ፡ ኢትሰርገል ምንገብእ ህዬ ሚነት ባጽዕ እግል ደመርት ለአመማቲ ለዐለ።

ቅወት በሐር ጀብህት ሸቦብየት ህዬ፡ እብ ጋይዳት ጅላብ እግል ዘበናይ በዋቢር ሐርብ አቶብየ ዲብ ለሃጅም፡ ለናይ በሐር ህጃም ልግበእ ወለናይ ደህላክ ወናኩረ ዕሰከር ለዐለ ዲብ በሐር አቶብየ እግል ደውሸሽት ቱ ለዐለ።

እሊ ፊብራይር እሊ እግል ሰርገሎት፡ ጀብህት ሸቦብየት፡ ምንጎፊናተ ጀብህት ውሕዳት እንዴ ሰለከት፡ ሐቲ ፍንቲት ቅወት ክምሰል ትትአሰሰ ወዴት። ዲብ ደንገብ 1990 ዲብ ክል ክፈል ዲብ ኮማንዶ ቦሎሎኒ ክምሰል ትትከወን ገብአ። ዲብ ፊብራይር ደንክል በገሰ ክምሰል ገብአ ህዬ፡ ዲብ ክፈል-ዲብ 16:52፡ 85፡ 96 ለዐለ ፓራትማንዶ ቦሎሎኒታት፡ ክምሰልሁመ ምር ቦሎሎኒ ምን ውሕዳት ኮማንዶ ተንዘም ዲብ ሕርጊጎ ተኣከበው። እምበል እሊ፡ ምን መካናይዘድ ክፈል-ዲብ 74 አርቦዕ ናይ ደባብ፡ መድፊዕ ወረሻሽ ቦሎሎኒታት፡ ምን ቅወት በሐርመ ለተሐደደ ቅዋት ተሓበረው እቲ። እሊ ፍንቲይ ቅዋት እሊ ምሰል ክምሰል ተኣከቡ ምሰል ቀደሚሁ ልታክዩ ለዐለ ወቀይ ወመካሪት ምድር ለናሱብ ክልኣት ወሬሕ ተድራብ ወደ።

እሊ ዲብ ገብእ ሰለሰ ቅወት



ተኣንሰሕብመ ሰዱዱ ቱ” ለትብል ክላሰት ትብጸሐት። እብል ሰብብ እሊ ህዬ ዝዘረት ደህላክ እግል ሃጅምት ለፊግረ ስታት ክምሰል ልትብህለሽ ገብአ።

ደህላክ እግል ሃጅምት ለተሐሰበ በርናምጅ ክምሰል ትብለሽ፡ አ'ገር ወመካናይዘድ ወቅወት በሐር ለከምክም ዲብ፡ ዲብ ሐንቴ ሐቲ ቅያደት እንዴ ተሐደቦው፡ አሰክ ህጃም ጢያ ትወጀሁው። ዲብ ሕርጊጎ መዳሊቱ ሐቀሰ አሰፈ ህዬ፡ ዲብ የም 25 ፊብራይር 1991 አሰክ ገልዑሎ ቀርቡ። ፊጅራተ ዲብ ሸቦብ ዲብ ጢያ ለዐለ ዲብ አባይ እግል ለሃጅም እብ ክልኤ ጀሁት ሄረረ። ቦሎሎኒ ፓራትማንዶ ክፈል-ዲብ 16 ምሰል ሐቲ ሰርየት ናይ ቅወት በሐር እብ በሐር ልትብገሰ እት ህለው፡ ቦሎሎኒ ፓራትማንዶ ናይ ክፈል-ዲብ

ሄረረው ለመጽአው አንፋር ቅወት በሐርመ ዲብ ረአሰ መዐሰከር ጢያ እብ በሐር ህጃም ጠለቀው። ለህጃም ሻፍግ ወለትመቃረሕ ምንመ ዐለ፡ ዲብ መዐሰከር ጢያ ለዐለ ዲብ አባይ ወእብ ምድር ልግበእ ወእብ በሐር ለለሀርብ እብ ገብይ ሰባት ይዐለት እሊ ለሐርብ መሪር ዐለ። ዲብ ደንገብ ዲብ ሸቦብ፡ ለእብ ደቅብ እግል ልዳፊዕ ለጀረብ ዲብ ቀበት ስያታት እንዴ ደሸሸዩ ሳዐት 15:00 ሐቀ አድህር እግል ጢያ ምን እስትዕማር ባለሐዩ። ሐድ 260 ኪሎሜተር ግብለት ምፍጋር ጸሓይ ምን ባጽዕ ለህሉት ጢያ፡ ዲብ ደንክል ግረ ሚነት ዐሰብ ለበዝሐ ሸቦብ ለነብር እቲ ማርሰ ዐቢተ።

እብ ህጃም ጢያ ለበሀረረ አባይ፡ ዲብ ደንክል ወቀበት አቶብየ ገብእ ለዐለ ህጃማት ጨቅዋ እንዴ ክልቀ እግል ልትከሉ ክምሰልሁመ ትሰርገል ምንገብእ ምን ከርዶን ለባልሐ ከዋ እብ ጀሁት ጎንደር እግል ልክሰት እንዴ ሐሰብ እግል ክፈል-ጦር 14 እብ ዐዲኳል እንዴ ወደ ራመ - ትግራይ ሐረከዩ። ዲብ የም 3 ማርሰ 1991 ህዬ ህጃም ከሰተ። ቀደም ለህደ ዲብ ዲብ ደርግ ሕዳድ ኤራትሮፕ እንዴ ተዐደ ከርሰ አቶብየ እግል ለሃጅምቲ ለትብል ፈርህት ይዐለት። ዲብል መደት ለህ ዲብ ደርግ ምን ትግራይ እብ ግዲደ እንዴ አንሰሐብ ዲብ ምግብ አቶብየ ሻፍፍ ሰባት ዐለ፡ እብ ተማሙ ዲብ ወያኔ ዲብ ቀበት አቶብየ ቱ ለዐለ። እምበል ሐዳት እት አጅህዘት ለዐለው አንፋር ወያኔ ትግራይ እግል ልዳፊዕ እሊ ቀድር ዲብ ይዐለ። ለሐዳም አንፋር ወያኔ ለትቀደርም እት ወዳ፡ አገድ ዲብ ሀደፋ ክምሰል ኢበጽሕ ውደው። ምን እት ሐርብ ጢያ ለሻረከዩ ክልኤ ቦሎሎኒ ፓራትማንዶ ዲብ ክፈል-ዲብ 16 ወ52፡ ሐቲ ቦሎሎኒ ኮማንዶ ጀብህት ሸቦብየት፡ ክምሰልሁመ ዲብ እት ጀብህት ደቀምሐሬ ለዐለት ብርጌድ 90 ናይ ክፈል ዲብ 16 ሐቲ ቦሎሎኒ እብ ሸፋግ እብ መካይን እንዴ ሄረረት እብ ዐዲ-ግራት እንዴ ወደዩ አደሐ ምድር ዐድው አተየ። ዲብ ደርግ እሊ ወክድ እሊ እት ባካት ዐድው ሸእግ ዐለ። ክልኤቱ ቅዋት ዲብ ዐዲ-አብን ክምሰል ትዋጀህ ሐርብ አምቡተ። ዲብ ጀብህት ሸቦብየት እግል መደት ሐጫር ናይ መዳፊዕት ሸፍ ሐቀላ ወደ ድቁብ ህጃም ምዳድ ሀረሰ። ዲብ ደንገብ ለመብቅያይ ዐለ ስታት አባይ ፈሸለ። ክፈል-ጦር 14 ከሳር ትርድት እንዴ ረፍዐ አሰክ ዐዲኳል እግል ለአቅብል ትቀሰብ።

ሐርሰ ሽዕብ፡ ፍንጌ ዘበናይ ወለመድ አቦይ-ነበሮይ (1^ይ ክፋል)

ሰወር፡ ኩባር ጸሃይ



አቦይ ሐርሰን ጅምዕ

ሰኣል፡ ሓላት ሐርሰ ምዳርየት ሽዕብ ወወሰኛክ እግልን ሰኣ ዐለ?

በሊሱ ሓላት ሐርሰ ምዳርየት ሽዕብ ናይ ለመድ እት ገብኡ፡ ዕምረ ምን 150 ሰነት ለዘይድ ቲ። እሎም ሐረሰቶት ሽዕብ ምን አብዕቦታት እት እጅያል እት ለአትሐላላ-ፋ ልሄር ለሀላ ወራታት ወአብሳር መንበረት ሐርሰ ቲ። እት ምዳርየትን ለገብኡ ወራታት ሐርሰ እብ ጀጎኛ ማይ እት ካሬዕ ለሰቲ ወእት ዘርእመ እብ ጀለብ እንድኢኮን እብ ነሹሕ አው ፍንጌር ኢኮን ለዘርእ፡ ሰበት እሊ ንሱሰ ወራታት ወምን እት ምድር ኤረትሮይ ለብዕድ ለልትጎፍቦ ቡ አግቡይ ሐርሰ ለትፈንታ ቲ እግል ኢብል እቀድር።

ሐረሰቶት ምዳርየት ሽዕብ፡ ሐርሰም ምስል ዕልማይ አግቡይ እት ልትመሳኔ ለገይሰ አብሳር ሐርሰ ልትጎፍቦ። ኩሉ ለዲብ ፍንጌ ዘርእት ወዘርእት ወአትላም እግል ልግበእ ለወጅብ፡ ሐቲ ገርሀት ህይ እክል አይ ማይ ምን ሰቲ፡ ሓላት ጀው ኮማን እት ከአፎ ተዋልል ክም ዘርእ ለልአምር፡ አውቃት ለልዕቅቦ ከልሐርሰ ፈዳብያም ሐረሰቶት ቶም። እሊ አብሳር እሊ ምን ዘበን ቅዱም ምን አበቓት እት ልትወራረስ ለመጽእ ወአሰክ ሃድል ዮም እት መዓል ልውዕል ለሀላ ወእት ሐዲስ እጅያል እግል ልትዕዳ ለወጅቡ አብሳር ሐርሰ ቲ።

ሐርሰ ምዳርየት ሽዕብ፡ እክል-ሕድ ምስል ዕልማይ አግቡይ ረኢኳሁ ምን ገብኡ፡ እብ ሰኣን ሐሊት ኢገብኡ ምን ገብኡ፡ ለእት አክትብት መጃል ሐርሰ ክቲብ ለሀላ እት ፍዕል ለተርጅም አብሳር ሐርሰ ቲ። ምን ድራሰት ወለዕል ለልትሐሰብ ተጃርብ ሐረሰቶት ሽዕብ፡ እግል ሐርሰ ለዳርሳም ለልአትፈክር ወዕልም ለልአዘይ ቲ። እት ሽዕብ፡ አምዕል ሐረሰቶት ህሉት። ዲብ እንዳ ትጅመወው፡ ለሰብ መቅደረት ንትህሀል ምስሎም ዶል እንጅልሱ፡ እነ ኖሼ ለረከብኩሁ ምኖም ሐብራታት እብ ስሁላት ለልትረኢ ኢኮን።

መሰለን፡ መደት ሐቲ፡ “ዘርእ እግል

ምዳርየት ሽዕብ ሐቲ ምን 10 ምዳርየት አቅሊም ቅብለት በሐር ቀየሕ ቲ። “ሽዕብ” በህለት ሽዕብት አው አካን ሸክ በህለት ቲ። ከሸብብ፡ ለትዘረኡት ኩሉ ለትብቅል ዲብ አርደት ቲ። ምስል ምዳርየት አፍዕበት፡ ባጼዕ፡ ግንደዕ ወገለብ ህይ ትትሓደድ። ምድረ ምን ጠፍሐት በሐር አሰክ ምግባይ ምድር ሐፋነት ለልትመደድ ሐሰቶት ለከምክም፡ መብዘሐ ጋድሞታት ወምን አውላት ወሓይዝ ብዘሕ ለልዕይሩ ትርበት ወጃብት ለመልክ ምድር ቲ።

ምን እክቶብር አሰክ ማዮ ለሀላ አሸሁር ለሐሰት ሓላት ህወእ ለብ ምዳርየት እት ገብኡ፡ ምን ጅን አሰክ ሰብተምበር ህይ ለበዘሐ ምድረ ሕፋን ወይቡሰ ቲ። እት ሰነት 1994 ለትአሰሰት ሽብህ መዳነት መንሸብ ህይ መርከዘለ ምዳርየት ተ ልብል መሰሉል ሐርሰ ናይላ ምዳርየት ሻብ ሐሰን ጅግዕ።

ምዳርየት ሽዕብ፡ እት ሰቦት አጸምእመ ምን ተህላ፡ ምስል ዘላም ሰኡል ትዘልም። አግደ ሐርሰ ላኪን እት ዘላም አውላት ለአትንክብ፡ ምን ወሬሕ ጅን አሰክ ሰብተምበር ለሀላ አውረሐት ከረም ከሰሰ ለትዘልም ዘላም ምን ዘይድ ሰሰ መሓዝ ለገብኡ ምዳርየት ሽዕብ ለከይድ መሓዝ ሰበት ቲ። ህቲ ለልአደንኩ ወሓይዝ እት ግረህ ሽዕብ ለትሰቲት ምን ወበሐር ለአቲት ገብኡ። እሊ ምዳርየት እት ለገብኡ ወራታት ሐርሰ ለመድ፡ እተዩ ዛይድ ሰበት ቲ። ሽብህ ዘበናይ ቲ እግል ልትብሀል ቀድር። ሽዕብ እት ኤረትሮይ እብ ሐርሰ፡ ክም መሰል ሰኔት ለልትነሰኢ ሐረሰቶት ለክብረ ምዳርየት ቲ። ከዮም መጀለት ፍሬ-ካድም እት ምዳርየት እንዳ በጽሐት ምስል መሰሉል ሐርሰ ምዳርየት ሽዕብ ሻብ ሐሰን ጅግዕ ለወዳተ መቃብለት እብ ሻብትኩም ህሉት፡ ቅራኡት በኪተት።

ሚ ወምዶልቲ ፊሽ ለገብኡ? ዘርእኩም እብ ከአፎ ተአየቡሱ፡ ከአፎ ተሐርወ ወትክቡት? ” እንዳ እቤ፡ መጃል ንቃሽ ክም ፈትሐኩ እሎም፡ እነ ግድም ሐርሰ ዳርሰ ሰበት እነ ለሐየት እብ ዓጻቲ ዳብጡ ህሉት እንዳ እቤ ምስል ሐረሰቶት ርሕዬ ምን አትጃገርኩ፡ ምን ዓጻት ሐየት ለትሐክክ ሐብራ ምስሎም

እንዳ ሐፍን ምን ከርሰ ምድር ተን አው ‘ተብኹር’ ዶል ወዳ ከተውነት ዶል ለአፈግር፡ ለልትዘረኢ ዘርእ ፊሽ ሌጠ ለሀይብ” ለትብል ዕልማይ ሐብራ ሀበውኒ። “ተን አው ቦካ ምን ምድር ፈግር ክም ሀላ ህይ እብ ከአፎ እንደሉ?” ክም ትሰአልክም”መ፡ “ሕነ እንዳ እንዘርእ ምስል እት ነፍሱን ለእንሸዕር እብ፡



ሰበት ጸንሐትኒ፡ እት ዋቄዕ ለሀላ ወምን ሚራሰ ሐርሰ ለጸብጠው ወእንዳ ትወሰቀ (ትሰነድ) ህይ ርሐ ለቀድረት ኩልየት ክም ቲ እግል ልብረህ እይ ቀድረ። ከህቶም ልብሎ፡ “እክል ፊሽ ለገብኡ እቲ ወቅት፡ ሕነ ለዘርእት ዋልት አው ሐምደ ዲብ ብዲብ ዶል ትክዘኩ፡ ሐሬ ለዕመረ ፊሽ ክም ገብኡ ሌጠ ነአመር ዐልነ ለሰብ መቅደረት ሐርሰ። ላኪን ሐረሰቶት ሽዕብ ህቲ ሌጠ ክም ኢኮን እሰባት ብዕድ ወሰኩኩ።

“እትሊ ባካት ሽዕብ ለምድር

ለእንዘርእ እብ ህሉነ አብዕረትን እንዳ ነአንተብህ እሉ ወነአቀምቲ እንገይሱ። ለአብዕረት ጭገረቲ ትረበበት ምን ገብኡ፡ ላዘም ምን ከርሰ ምድር ሐፋነት ለብእቲ ተን ወቦኽ ከብሁ ክም ሀላ እንፍህም። ወእብላነ ለአብዕረት እንግልቁ ወለኢነት እላ ነሓልፈ። ለትልም እሊ ኩሉ ዋሰልናሁ ምን ገብኡ፡ ‘ፊሽ’ ሌጠ ገብኡ ለቲራቡ ወለዕመሩ ዶል ቤለውኒ፡ ወሐሬ እብ ዕልም ክም አክድክው ወምስል ዎርት ሐረሰታይ እንዳ ትጋሚኩ፡ ትልም ዎርት እግል በሐሰ ርሕዬ ለቦኽ እት ሀላ ሕረሱ እንዳ እቤሉ፡ ነፍሰ ለሐረሰቶት ቤለው ህግዩ አማን ጸንሐት።

ክምን እላ ለእንፍህም፡ ለመትወራራሰ ተጃርብ ሐርሰ እት ሽዕብ ሰኡን ረይም ለወደ፡ ወዕልማይት ተጅርበት ለሐቅፈ ክምስል ቲ ተአክድኮ ምን።

ሰኡል መሕበር ሐረሰቶት ሽዕብ ከአፎ ረትዕ ምስል ኩሉ እሊ ተጃርቡ?

በሊሱ ሐረሰቶት ሽዕብ መሕበር ትሩድ ናይ ክልኡት መሓዝ ላብ ወማይ-ኡሌ እብ ለሰቲ አላፍ ሄክታራት ለገብኡ ምድር ዐለ እሎም። እትሊ መሕበር ህይ ንዘማም ዐለው። ምን ሰነት 2006 አሰክ



2019 ህይ፡ ለመሕበር ልጅነቲ እንዳ ሐረ እብ ሰይር ወልሄርር ዐለ። እዳረት ወውዛረት ሐርሰ ሰብ ሸርከት ምስል እሊ መሕበር እት እንቶም ለአተላላ-ዐለው። ምስል ምን ከብዶል ለትረኢ ንቁብ ወምለዕል ለመጽአት ሐብራ፡ እግል ለአተላላ ኢቀድረ። ለመሕበር ልብጠር ሰበት ትብሀል ባፕር ሀላ። ላኪን ለበጠርም መሓዝ ብዘሕ ርእያም እቲ ህሉነ። እሰልፍ ሸቅል ቀደም ልትብገሱ፡ ለመትዘም ከአፎ ክምስል ሀላ እንዳ ገንሐክ ምን ትትፈረር ዲብ ሰበት ለሐይሱ፡ መትዘም (ተንሰቅ) ናይ ሐረሰቶትን እግል ንዕቀብ፡ ለህለቶትላ መሕበር ሐረሰቶት ድሩሪ

ዲብ ቀበትላ ባርታታትም ነናይ 20 ነፈር ተሻኪል ለልትብሀሎ መንዘመት ጋብአም ዐለው። እብሊ ንዘም እሊ ሸኩላም እት እንቶም እት ቀብቶም ምን ባርታታት እት ብዕድ ሐብራ ለልአትሐላልፎም ከዋድ ወጭምረት ሐረሰቶት (Contact Farmers) እንዳ ነዘምን እቶም ለሸቅል ሰኡ ዋልው ዐለው። ለመትዘም ህይ ክምለ መትዘም ንህብ ቲ ለዐለ። እሊ መትዘም እሊ ህይ ሰኡ ለአሸቂ ዐለ።

ሰኡል ምድር ቀሪም ሽዕብ እክል አይ ቲ ወዮም ዓመት ለሰተ ምድር እክል አይ ገብኡ?

በሊሱ እት መዓል ሐርሰ ለሀላ አራዲ ወእንዳ ትዘረኢ እክል እግል ለአንትጅ ለቀድር ወሰብኡም ህይ ክም ምልክቶም እንዳ ረከው እት ረከሱ ለሓድራም፡ ወጀላቡ ዕጉማት ለከድሞ፡ 8,652 ሄክታር ለገብኡ ምድር ቲ። እትላ ዘነት ንነ 5002 ሄክታር ምድር ውሐዝ አቲሁ ሀላ። ምን እሊ እብ ወሓይዝ አውላት ሳቲ ለሀላ ምድር ህይ ቅዶስ 300 ሄክታር ለትፈናት ሐምሌ፡ ለበዘሐ ምን ንዕ-በርበሬ፡ ከመዶር፡ ባምየት ወእዜ ማጽእ ለሀላ ዕጫይ ተመር ወብዕድ ዝሩእ ሀላ። 2000 ሄክታር ለገብኡ ምድር ህይ፡ ውሐዝ ለይአተዩ ላኪን እብ ዘላም ለዕል ዝሩእ ለሀላ ቲ። 1500 ሄክታር ለገብኡ ምድር ቀሪም ህይ እብ ኢረኪብ ዘላም ወውሓይዝ ምን ሐርሰ ባክር ለሀላ ምድር ቲ።


ሰኡል ምን መሓዝት ዮም ዓመት ውሐዝ ለአደነዩ ሀላ ገብኡ?

በሊሱ ቅዶስ 2000 ሄክታር ለገብኡ ሐርሰ ገድገድ ለልአሰቲ መሓዝ ግርግር፡ እት ግረህ እንዳ አተ እግል ለአሰቲ ለቀድር ውሐዝ ለኢከረ መሓዝ እትላ ሰነት ንና ቲ። ውሐዝ ሐቲ ‘ሰማል’ ሌጠ ሰበት ከረ፡ ወሐቅ 40 ኪሎምትር ጌላም እት ወቂር ሰበት ለአቲ፡ ዮም ዓመት እት ተሓቲ ወለዓልይ ለሀላ ወህቲ ለልአሰትዩ ምድር እብ ዘላም ለዕል ሌጠ ዝሩእ ሀላ። ለብዕድ ክም ከረ ላቤ ማይ-ኡሌ፡ ሸላቅ ወማይ-አዋልድ ላኪን ለትፈናት ቅዶስ ለቡ ዘይድ 40 ውሓይዝ እንዳ አድነኩ፡ ግረህ እሰቲይ ሀላ ወለበዘሐ ምን ህይ በሐር አተ። እሊ ህይ እግል እብ ሐጻ እንዳ ትጀረፈ አሰክለ ግረህ እግል ልርተዕ ለዐለ እሉ ውሓይዝ ምን ሐሊት ሐረሰታይ ወለዕል ሰበት ገብኡ ወእት ኢውቅቲም ለትሳብረ መሳጊ -ትረዕ ሰበት ሀላ፡ ሻፍንት ራድኢት ናይ ዘበናይ በሰር ጀሪፍ እብ ማሽኔሪ ሰበት ሐግሎ፡ ለልአትሐዜ ማይ እት ግረህ እግል ልርተዕ ኢቀድረ።





ወርጠት እና የደብዳቤ አገልግሎት



ደረሰ ዲብ ወቅት እምነትን ወቅደው ዲብ ወርጠት ናይ ፈርሀት እንዴት ማሻሻል ለልትረአው ብዙም ተቃራኒ ነው። ወርጠት እብ ሰበት ሐይ ምሽት ምሽት ዝያድ ዶል ተሐሰብ ዲብ ህመም ካረከ ምን ገብእ ለልትረአው ዲብ ስምዒታት [ሹቡር] ቲ። ደረሰም ዲብ ድራሰቶም እግል ልትወውቶ፡ እብ ሰበት እምነትን መሪ ዲብ ልትሻቀሎ ልትረአው። እሊ ለእብ ሰበት እምነትን ትትከለቅ ዲብ ወርጠት ወሽቀላት፡ ናይ ዶሎ ኢፋሎታይ ሹቡር [ስምዒታት] እብ ግብአት እግል ዶሎ እግል ልሽመሊን ለቀድር ጠቢዒ አሽያእ ቲ። ክሎም ኢፋሎታይ ሹቡር [ስምዒታት] እግል ውላድ አዳም ዝያድ መደረት ወዲ እቶም። ደረሰም ዲብ ወቅት እምነትን ለልትረአው ወላእትአመርም ወርጣት እግል ልቆሆሙ፡ እግል ልራቁብ፡ ወእግል ልትከብቲ ለለአትሐዘኖም ምህም ጋርቲ።

ዲብ ወቅት እምነትን ለትሳድፍ ሽቀላት

1. እግል እምነትን እግል ትዳሌ ዲብ ህለ እከ መትዳላይ ዶል ኢትወዳ፡ በህለት ሐቆ ኢሐፊዝከ ወርጠት ክም ህሌት አመርት ለአትሐይ። ለበባ ሽቅል ደረሳይ፡ ሚ ክም ደርሰ ወእክልኦይ ልቆሆም ክምህለ እግል ለአምር፡ ለእሎ ደርሰ ዲብ ናዩ አምር ክም ቀይሩ፡ እበ እሎ ደርሰ ፋዝቦ ወአምር ዶል ገብእ፡ እግል መጽእ ህሌት ደረጀት እግል ልትወዳ እምነትን እብ ዋጅብ እግል ልሸቄ ወለበባ መትዳላይ እግል ሲዴ ህሌት እሎ። ምን እሊ ወለበል ለልትረአዩ ወምለበል ቀድረቲ ለገብእ ዶል ህሌ፡ እግል ዓኢለቲ። መደረሰኩ ወምጅተመፅ እግል ልሸረሕ ወለአቆሆም፡ እሊ ለትበህለ መትዳላይ ሐቆ ኢወደ ደረሳይ ዲብ ወቅት እምነትን ዲብ ወርጠት እግል ልኢቲ ህዩ ላዝምቲ።



2. አንቀሳታ ደማነት ነፍሱ ዲብ ነፍሱን ደማነት እግል ለህሌ እከ፡ በህለት ዲብ አምርከ፡ ወመቅደረትከ፡ እግል ተአተንከብ ህለ እግልከ። ደማነት ነፍሱ ሐይ ምን አግደ ጽዋር ናይ ሐሩዳም አንፋር ቲ። ደረሳይ ዲብ እሎ ለአምር፡ ለኢሐቆዘዩ ወተጃርብ ለአለቡ ዲብ ዶል መጽኡ ፈርሀት ወሽቀላት ተሸሸል ዲብ፡ እሊ ለናይ ፈርሀት ወሽቀላት ሹቡር ህዩ ናይ ወርጠት አሻይር ቲ። ፈርሀት ወሽቀላት እብ ዋጅብ ሐቆ ኢራቀብናህን፡ ናይ ሐሳብከ፡ መዘካርከ፡ ወእብ በቢሁ ፈሪምን እግል ልንቀሰ ቀድር።

3. ደረሰ ዲብ ወቅት እምነትን ለልትረአው መምርሒታት እግል ልቆሆም እብ ኢቅድረቶም። ናይ መትዳላይ ወቅት እንዴ ተመ ዲብ እምነትን ለለአቲ ዲብ ወቅት፡ ለዲብ እምነትን ልትህዩብ መምርሒታት እግል ልቆሆም እብ ኢቅድረቶም ዲብ በይት ወርጠት ለአቲ። ዲብ ወቅት እምነትን መደርሰን እንዴ አብደረው አው ዲብ አምዕል እምነትን ለልትህዩብ መምርሒታት አው ቀዋኒን እብ ዋጅብ ኢራቀቡት እግል ናሱ ዲብ በይት ወርጠት ቲ ለለአቲከ።

4. ቀደም እምነትን ለሐፊዝኩ ወመሪ ለተአምር፡ ዲብ ወቅት እምነትን እግል ትዘከሩ እብ ኢቅድረትከ ለበዘሐ ወቅት ለሐፊዝኩ፡ ለተአምር ዕልከ ስድፈን ለበዴ እቲ ምንከ ወቅት ህሌ፡ ሐቆዙ ዲብ እንቲ፡ ክሎ ምህል ለልትሐበር ምንከ አርእሰሙ ህሌ። ክእኒ ለመሰል ብዘሕ ዶል እግል ልሳድፍቲ። ዲብ ወቅት ጠቢዒ መሪ ለለአትሻቅልመ እግል ልግባእ አለቡ። ዲብ ወቅት እምነትን ደረሰ ምን ቅያሰ ወለበል ዲብ ልትሻቀሎ ልትረአው። ወእብሊ ለመጽእ አሰባብ ህዩ ዲብ ወቅት እምነትን ለኢትአትሐይ ወርጠት ወሽቀላት ወዴ ዲብከ።

5. ነፍሱን እግል ተህድእ እብ ኢቅድረትከ፡ ዲብ ወቅት እምነትን፡ ለህበት፡ ውጃዕ ረአሱ፡ ናይ

አተንፈሶት መሻክል ወለ መሰሉ ናይ ወርጠት አሻይር ክምቶም እንዴ አመርን ርሕነ እግል ነህድእ እግል ንቅደር ህሌት እግልከ። ነፍሱን እግል ነህድእ ክም ይእንቀድር ሐቆ ፈሪምን ዝያድ ዲብ ወርጠት እግል ልሽመሊን ቀድር።

6. ሐቆ እምነትን መዘካርከ፡ ለሐቆዘሙ ዕልነ ዲብ ምግብ እምነትን እግል ንዘከሩ ለኢሐቆደርከ፡ እምነትን ክም አትመምን እግል ንዘከሩ እንቀድር። ዲብ ዶል እምነትን እብ ኢመዘካርከን እግል ልሻቅሎ፡ ሐቆ ቀድረ ዝያድ ዲብ ወርጠት እግል ልቆሆኒ ለቀድርቲ።

7. ሐቆ እምነትን መትረገሽ ወመትሻቃል፡ ምን እምነትን ክም ፈገርከ፡ በሊሰነ ምሰል ናይ ብዕዳም መልህያምን ወመደረሰነ ለራትዕ በሊሰ እግል ነአምር እንጀርብ፡ እግል ንቅለጥ ዲብም ለኢወጅብን እቶም ክም ክለጥን ለእንክልቁ ሹቡር፡ እግል አሰሩ ለህለ እምነትን ዝያድ ፈርሀት ወሽቀላት ወሰክ ዲብከ።

ወርጠት እምነትን እግል አብጠርት


እግል እምነትን ዲብ ንዳሌ፡ ለትመጽእ ወርጠት እግል ነአንቅሰ። እሎም ለተሎ ንቃዋ ሴድዮት ቶም።

1. ቀደም እምነትን እግል ተህዩብኩህ ሸርሕ ወክታብት እብ ዋጅብ አምር። ዲብ ወቅት



እምነትን እግል ንሕፊዝ እንዴ ይእንገብእ እብ መደርሰን ለልትህዩብ ሸርሕ ወመክቲብ ዲብ ክል አምዕል ለልትህዩብከ ሸርሕ እብ ዋጅብ መዘካር እብ ናዕል እግል ንሸቁቡ ክም እንቀድር ኒዴ። እግል ዐውቲ መድረሰት እንዴ አመርከ ሰነ ሐቆ አመርኩህ ደማነት ሰበት ትወዳ፡ ዲብ ወቅት እምነትን ለመጽእ ፈርሀት ወሽቀላት ነቅሱ።

2. እግል እምነትን ንዳሌ ዲብ ህሌቲ ራትዕ አፍካር ወሕሳብ ሰነ ንሕሰብ። እግል እምነትን ሰነ እግል ንሸቁቲ ክምቲ ነፍሱን እግል ነአትአምን ህሌት እግልከ። እግል ንትረፍቲ እንዴ እንቤ ነፍሱን እግል ነአትአምን አሰብና። ዶል እንፈርህ ላመ እሊ አምራም ዕልነ እግል ትብዴ ምን ሰበት ቀድር። ምን ፈርሀት ወሽቀላት ለመጽእ መሻክል ዲብ ብዕድ እግል ለሐልፊናመ ለአፈርህ።



3. ቀደም ዲብ እምነትን ነአቲ እግል ነፍሱን ካፍዮት ዕርፍ ናይ ደሚር ወትብረ ሰነት ክም በልዕ መትአካድ ለአትሐይከ፡ ወዝያድ ኩሎ ዕርፍ እግል ንርከብ ህሌት እግልከ። ለመክነ እንዴ ዓረፈ ዶል ጸንሕ ላመ እሊ ሐቆዝ ዐለ እብ ቀሊሎ እግል ልትዘከረ መቅደረት ክም ተህሌ እሎ ዐለማእ ለህድገ። ዲብ ወቅት እምነትን ላሊ እብ ግዲደ እግል ትሕፊዝ ሰነ ኢኮን ሰበቡ ነፍሱን ሰበት ለአትዕብ ምንከ። ከዲብ ወቅት እምነትን ታመት ዕርፍ እግል ንንሳእ ወጅብ። አምበል እሊመ ለዲብ ወቅት እምነትን

መትሳዳር አለቡ እንዴ ህድኣነ አምበል መትረገሽ እግል ንሸቁ ህሌት እግልከ። ለተህዩቤከ ወቅት እግል ንትንፈዕ እብ ህሌት እግልከ።

6. ለናይ እምነትን ወረቀት እግል እሰታዝ ዶል ነህይቤ ምሰል ደረሰ ልግባእ ወመደርሰን እግል ንትሃጌ ወንትከሐድ አሰብከ። ለእምነትን ክሎ ረአሱ ንትረሰው፡ ሰበቡ ለእምነትን እንዴ ትሰይሐ ክም አቅብሎን ለጊገ ወለ ከጣእ ክም መጽኤን እግል ንርአዩ ሰበት ገብአከ። እብ ተውሳክ ምን እምነትን ክምፈገርን ምሰል ደረሰ ለገብእ መክሐደ እግል ተሌ እምነትን ሰበት ለአበዴ ምን ነአበጥሩ ለሐይሱ። ሰበት እሊ ክሎ ሐሳብከ ዲብ መጽእ እምነትን እግል ኒደዩ ህሌት እግልከ።

7. ለእምነትን ክም ሰይሐ ወአቅብሎከ፡ አዩ ሰአልቲ ለእብ ከጣእ በለሰናሁ እንዴ ህድኣነ ንርአዩ። እብ ከአይ ለሐሰት ፍገራት ነህመጽእ ዕልነመ ንሕሰብ። ምን ክለጥን ንድረሱ፡ የምክን ዲብ እምነትን እኩይ እንዴ ሸቁኒ ዶል እንተርፍ ዲብ ኩሎ ሐዶትን ተረፍን ለበህለት ኢኮን። ዲብ መጽእ እምነትን ሰነ እግል ንሸቁ እብ ንዩት ንክደም።

ዲብ እምነትን ሰነት ፍገራት እግል ተአምጽኦ

- እግል ትትህዩቡ መምርሒታት እብ ሀዳኣት ቅራእ ወእብ ዋጅብ ትንፋዕ እግም
- ለኢትፈሪምከ መምርሒ አው ክቲብ እግል መደርሰንከ ትሰአል ምን
- ለእምነትን እብ ዓመት ከአይ ክም በልሱ እግል ወረቀት ሰነ ንርአዩ። ወዲብ አርት ሰአል አክልኦይ ወቅት ለአትሐይ ተቅዩም ንሳእ።
- እግል ብዘሕት ደረጀት ለጸብጦ ሰአላት ለበዘሐ ወቅት ሀብ
- እግል አሰኣት ኩሎም ክም ሸቁኪም ምን ሐዲስ ሰነ ሻቂ ህሌከ ሚ ኢኮን ተአክድ።



መገኛ ግርም ስልጠና ለአቅሊም ቅብለት በሐር ቀየሕ

ተርጅሙት፣ ሳልሕ ገመ

1^ይ ክፋል

እሊ ክቱብ እሊ፣ ምን አቅሊም ቅብለት በሐር ቀየሕ እብ ክቱብ ምስል እቅሊምም እግል ለአትኦምር፣ ዲብ ሙትፈርጅት ቃዕት ከይራቶም ማህረጃን ስት 2024 ወዘፅወ ለዐለው ክቱባይ ለትነሰኣ ቱ።



አቅሊም ቅብለት በሐር ቀየሕ እብ ሪሙ ዲብ አወላይ ወእብ ርሕብናሁ ህዩ ዲብ ካልኣይ ደረጃት ለልትሪተብ አቅሊም ቱ። ምስል አቃሊም ግብለት በሐር ቀየሕ፣ ዐንሰቡ፣ ምግብ፣ ግብለት፣ ጋሽብርኩ፣ ድወል ሱዳን ወአቶብዩ ወምስል በሐር ቀየሕ ልትኣደ።

ርሕብነ አርድ አቅሊም ቅብለት በሐር ቀየሕ 33,861 ኪሎ ምትር መረባፅ እትገብእ። ሪም ለመልኩ ግንራራብ በሐር ህዩ 725 ኪሎ

ዐፈር፣ ረሻይደ ወብዳዌት ተን።

ከደማት እጅትማዕዩት

ሕኩመት ግፍየት ሙዋዋኒን እግል ተአድምን እብ ተዕሊም፣ ምህናት ወአምር ለትጠወረ ወለትዐንደቀ፣ ዐፋይ ወትሩድ ሙዋዋን እግል ብንዩት ወመናበረት ሸዐብ እግል ሐሰናት፣ ብዙሕ መአሰሳት ግፍየት ወተዕሊም ዲብ ረዩም ብሩር ወመዳይን እንዴ ሸቄት ክድመት ለሀይብ ህለ።

መጃል ግፍየት፣ ዲብ አቅሊም



ምትር ቱ። እሊ አቅሊም ዝያድ 254 ጀዛይር፣ 5 ማርሰታት ወሐቱ ሚንት መልክ። ለትወቀለ ባካቱ 3,020 ምትር ምን ጠፋሐት በሐር ገብእ እት ህለ፣ ለትደሀሪ ህዩ -100 ምትር ምን ተሐት ጠፋሐት በሐር ቱ። መረ ፍንቱይ ሓለት ጀው ለቡ፣ ዲብ ክልኤ ሳዕት ሰለሰ ሐን ለትረክብ እቱ፣ ለትወቀለት ሐፋንቱ 50 ዲግሪ ሰንት ግሬድ ለበጽሕ ወለ ደሀሪ 10 ዲግሪ ሰንት ግሬድ ቱ።

ሀይክል እዳረት አቅሊም ቅብለት በሐር ቀየሕ 10 ምዴርያት፣ 103 እዳራት ደዋሐ፣ 289 ዐዶታት ለከምክምቱ። መናበረት ሸዐብ እብ ፍንቱይ ዲብ ብሩር እብ ሐርሰ ወርዕዮ እት መዳይን ወግንራራብ በሐር ለህለ ህዩ ዲብ ነሻጣት በሐር፣ ትጃረት ወሸቅል ዮምየት ለልትፈረር ቱ።

ብዝሐ ሸዐብ ሐድ 407,000 በጽሕ። ዲብ እሊ አቅሊም ለትበረ ቀምያት ህዩ ትግሬ፣ ሳሆ፣ ትግርኛ፣



ቅብለት በሐር ቀየሕ 45 ናይ ሕኩመት፣ 4 ናይ ብሕቶት ከደማት ግፍየት ለልሀይብ መአሰሳት ህለዩ። 1 እሰብዳልየት፣ 1 መርጅዕየት እሰብዳልየት፣ 2 ናይ መዕዩ እሰብዳልየት፣ 10 መራክዝ ግፍየት፣ 31 ዕዳዳት፣ 33 ኑቅጠት ግፍየት፣ 1 ናይ አንዶብ ክለኒክ፣ 3 ናይ እም ወግርዝ መአሰሳት ህለዩ።

መጃል ተዕሊም፣ ሸብህ 90 ምን ምእት እደራት ደዋሐ ናይ እሊ አቅሊም መዳርሰ እንዴ ትሸቀ እግለን ንዙም ተዕሊም ለሀይብ ህለዩ። እብ ካምል 646 መዳርሰ ዲብ ለሀለዩ፣ 103 ረውዳት፣ 177 መአንብታይት ደረጃት፣ 82 ምግባይት ደረጃት፣ 14 ካልኣይት ደረጃት፣ 84 ናይ ዐረዮ ወ186 ናይ ምህር እግል ዐባይ ተን። እምበለ ርቱብ ናይ አካዳሚ ሐን አውረሐት፣ ሓለት ጀወ ወመናበረት ሰብክ ወሰግም ዲብ ወግም ለልኣቱ ፍንቱይ ናይ አካዳሚ አውረሐት እንዴ ነዘመ ለሸቄ አቅሊምቱ።

ሀለዮት መአሰሳት ተዕሊም ምስል ናይ ሰንት 2018 ለዐለ መዳርሰ ዶል ልትቃረን ህዩ፣ 540 ለዐለ ዲብ ሰንት 2024 እብ 16.4 ምእታይት ወሱክ አርአ።

መጃል ግይ፣ ዲብ ቀበት 22 ሰናታት አውለውየት እንዴ ተህዩቡ ምን ለትከጠጠ በራምጅ ዐማር እት ብሩር ጠወርት ወአሰዮት ዴማት ማይ ቱ። እብ አሳሰ እሊ ሀለዮት ማይ ዲብ እሊ አቅሊም 66% ገብእ፣ 309 ዐዶታት ወቂሾታት ማይ ክም ረክበ ጋብእ ህለ። 162 ዴላታት፣ 29 ራህዩታት፣ 63 ባሰካት፣ 179 ኑቃዋ ተውዘዕ፣ 51 ሃንድ ፓምብ፣ 52 ጣቀት ጸኣይ፣ 341,797 ኪሎ ምትር ክዋ ማይ ህዩ ትመደደ።

መጃል ጽርግዮ፣ ሐቅ ሕርየት ዕሙማይ ዝያድ 2500 ኪሎ ምትር ናይ ትርበት ወቅዋራን ጽርግያታት ወብዙሕ ቢንቶታት ትሸቀ ወአሳናይ ገብእ እግሉ። ሸብህ ካምል አቅሊም እብ አግደ ክዋ ትራክቡ። እምበል እሊ አቅሊም ቅብለት በሐር ቀየሕ ሻፍግ ከደማት ቡሰጠት ወተለጅን ዲብ ኩለን ምዴርያት እግል አብጽሐት



ትሸቀ ወልትሸቄ ህለ።

ሃይብት ከደማት፣ እትሊ አቅሊም 843 ለገብእ ሃይብት ከደማት መአሰሳት ህለ። ወኪል ሰፈርያት፣ ናይ ስዮሓት ጅላብ፣ ፈናድቅ፣ ጌሰት ሃውሱ፣ መዕረፊ ጋሽ፣ አብያት ነብረ ወመስተይ፣ መጣዕም፣ ፋሰትፋዱ ወብዕድ መአሰሳት ለከምክም ቱ።

ሰናዕት ወትጃረት፣ እብ ዕሙማይ እትሊ አቅሊም ብዙሕ ንኣይሽ፣ ምግባይ ወዐባይ መአሰሳት፣ ሸሪካት ወፋብሪካታት ህለ። ሰብ እሊ መሳንዕ እሊ ዲብ ለትፈናተ መጃል እቅትሳድ እንዴ ትፈረረው

እት አቅሊም ግብለት፣ ሰሰዲት ግዳት ወሙሲቀት ለደርሰው ፈናኔን ትደሐረው

እት አቅሊም ግብለት፣ መደት 21 አምዕል ሰሰዲት-ግዳት ወሙሲቀት ለደርሰው 12 አንሳት ለብእቶም 46 ፈናን፣ እት ዮም 2 ጃንዋሪ ዲብ መዲነት መንደፈረ ትደሐረው።

ለምን 12 ምዴርየት ለተሐረው ፈናኔን እብ ፍዕል ወዝር ለትህዩብ ተእሂል፣ ሰሰዲት ቀምያት ኤረትርዮ፣ አርትዮት ብሰር ሰሰዲት፣ ክምስልሁመ አላት ሙሲቀት ግዳት ለከምክም ዐለ።

ዲብለ መናሰቡ፣ ምዲር ግም ቅሰም ግዳት ወርያደት አሰይድ አብርሃም ዮውሃንስ እትሊ አሰመዐዩ ከሊመት፣ ለተእሂል አተላላይ ናይሉ ወራት ፈን እግል ትጠወር ገብእ ለህለ በራምጅ ክምቱ እንዴ ሐበረ፣ አግደ ህደፋ - ዲብለ አቅሊም ለህለ ብዝሐ-ሰሰዲት ወከበር-ግዳት ሰኒ እንዴ ተሐፈዘ እግል ልትወሰቅ ክምቱ አብርሀ።

ለተእሂል ለከመት መፈወደየት ግዳት ወርያደት ወበዕል-መቅድረት ሰሰዲት ወሙሲቀት አሰይድ ካሕሳይ ገብረሀይወት፣ ምህነት ሰሰዲት ምስል ዕልም ኣደሚ፣ ዐቅል ግዳት ወማሕበራይ ሸርሕ ለገይሰ ዲብ እንቱ፣ እብ ኢረኪብ ካሬ ፈሀም አረይ ለትፈናተ መታክል ጋብእ ክም ህለ እንዴ ሐበረ፣ ደረሰ ለረክበው ተጃርብ ወፈሀም እንዴ ነዘመው፣ አሳሰ ሰሰዲትን እብ ሕፍዝ እግል ለሐሰሴ ወልጠወር እግል ልሸቀው ትፋን።

ዲብ ደንገቡ ሓክም አቅሊም ግብለት አሰይድ ሃብተአብ ተሰፋጽዮን፣ ግዳት እብ ግመት፣ ሰሰዲት ወሙሲቀት ህዩ እብ ፍንቱይ እት ቀበት መጅተማዕ እንዴ ትረብ ለልትጠወር ወርሱ-ምህነት ሰበት ቱ፣ ትልህያ-ግዳት አሰሉ እንዴ ዐቅበት እግል ትጠወር ወዲብለ መጃል ለሸቄ ሰብ-ምህነት እግል ልብዝሐ፣ ጅህድ ሕበር ክም ለአትሐዜ አፍሀመ።

ዲብለ ግደት፣ እብ ሰብ-ምህነት ለትዳለ ሰሰዲት ግዳት ቀምያት ኤረትርዮ ወዕፊ አላት-ግዳት ወሙሲቀት እግል መሻርከት ትቀደመ።


ከድሞ ወፈርያቶም ቀድሞ።

መጃል ሐርሱ፣ እት አቅሊም ቅብለት በሐር ቀየሕ ለልትረከብ ርሕብ ጋድሞታት ሐድ 130,000 ሄክታር እግል ሐርሰ ሕሩይ፣ ምን ከበሳታት ለልትከሬ፣ ብዙሕ

መጃል ስዮሐት(ቱሪዝም)፣

አቅሊም ቅብለት በሐር ቀየሕ እግል ዝያረት ለወዱ ጀዛብ መካሪት አርድ፣ ጀዛይር፣ ናይ ተእሪክ ወመትፋግዲ አካናት፣ ለትፈናተ አንውየት ወዴቶት፣ አሳር ተእሪክ ሕርየት ላቱ ሳትርታት ፈራሰት ለከምክም ባካት መልክ። ዕንባባታት በሐር ለትገልበበ እብ ፍንቱይ ዲብ ካልኣይ ሐርብ እዲነ ወሐር ምስል ክሉ ምምተሰካተን ለቶቀዩ ብዝሓት በዋቢር፣ እግል ሐንበሰት በሐር ውጡይ አካናት ክም ድሕል፣ ደሴ፣ ዱርጋም-ዱርጊል፣ ናኹራ፣ ደለም ወብዕድ ጀዛይር እንዴ ወሰክክ አሰክ እለ ለኢትጎፋ-ዕናቡ ከይራት መልክ።

ዕቁር ከይራት ጠቢዕት አርድ ወበሐር፣ አክደር መዕጽየት ሰሚናዊ በሕሪ (ዝያድ 54,000 ሄክታር) ለትፈናተ ሐዋን ዐድ ወከደን፣ ጀዛብ ናይ ቦልካን ኣድብር ወናይ ደንክል መትደሃር፣ ናይ ለመድ ስራይ ለገብእ እቱ ክም ማይውዑይ፣ ኢራፋይሉ፣ አፍባበት ወብዕድ። እብ ብዝሐ ክልቀታት ርዙቅ አሰክ እለ ክሰሐ ለኢሳይፈዩ ረዩም ግንራራብ በሐር፣ ዝያድ 1200 ጅንሰ ዓሴ፣ 950 ጅንሰ ወዴዕ በሐር፣ 220 ጅንሰ ዕንባባታት በሐር (ኮራል) ገሌ ምን ናይ አርድ ወበሐር ከይራት አቅሊም ቅብለት በሐር ቀየሕ ቱ። ሀለዮት ብዙሕ ርዝቅ ዕቁር መዳድን ክም ደሀብ ፖታሽ፣ ጩው፣ ኮራል(ዕንባባታት በሐር)፣ ግራናይት፣ አስፕሰቶሰ ወብዕድ መዳድን ወርዝቅ ለመልክ እግል ተዕዲን ብዙሕ ለልትገናሕ አቅሊም ቱ።



ወጠንያይ ሰዐይ አክድን ገብአ

ሰዐር-ክብርም ጸሃዩ

ወጠንያይ ሰዐይ አክድን፡ ለሐልፈት ሰንበት ዐባይ 5 ጃንዋሪ እግል 26ይት ኢትዮ ዲብ አቅሊም ግብለት መዳኒት መንደረ ገብአ።

እትሊ ጅግረ አቃሊም ግብለት፡ ምግብ ወግንሰብ፡ ክምሰልሁ-መ ምን ውዛረት ድፈዕ ፈሪቅ ደንደን ውብዕዳም ናይ ብሕቶት አትሌታት ትባደረው።

እት መሳፈት አርበዕ ኪሎምትር፡ እሰልፍ እት ምተሐት 18 ሰነት ነዳይሽ አትሌታት አዋልድ ለትባደረዩ። ምን አቅሊም ምግብ አትሌት ሚካል ገብራሚካኤል ሆይ፡ እብ 14 ደቂቀት ወሰሰ ክፋል ካልኢት አወላይት ኦቲት። ደርብ ሆይ አትሌት አቅሊም ግብለት



ሳምራዊት በራኽ ወሊድዮ ኢሳቅ ናይ አቅሊም ምግብ ካልእ ወሳልሰ ተርቲብ አተዩ።

እት ነፍሱ ለግማር ውላድመ እት ሰሰ ኪሎምትር ሰዐው። አትሌታት አቅሊም ምግብ ሆይ፡ እት ምግብም ምን ብዕድ አቃሊም ነፈር እንዴ ኢሉላብር ደርብሕድ እት ለአሰር፡ ማርዶካይ መሓሪ።



ዳዊት ክፍሎም ወሳሙኤል ንጉሴ አተው። ሰልፋይ ማርዶካይ፡ እብ 18ይ፡16ካ፡58 ክፋል ካልኢት ተዐወተ።

ምግባይ ግማር ምንተሐት 20 ሰነት፡ አዋልድ፡ እት ፍንጌ አትሌታት አቅሊም ምግብ ወግብለት መጃገረት ጃዘባይት ትረኡት። ምን አቅሊም ግብለት ቅድሳን ተወልዴ ምሰል ናይ

አቅሊም ምግብ አትሌታት ማርዶ ዐሊ ወአርዶም ሐድሽ እት ድንኪክ ኦቲት።

ማርዶ ሆይ፡ እት አክራይት ዱረት እብ ወዴተ ግንብዩ፡ እብ 21ይ፡34ካ፡ 28 ክፋል ካልኢት ሰልፈን ኦቲት። ቅድሳን፡ ሰማን ካልኢት እንዴ ደንገረት ካልኢይት ወአርዶም ሳልሰይት ገብአዩ።

እትሊ ሰለሰ መጃሚዕ ሰዐይ፡ አቅሊም ምግብ ቱ ሀርመ ኩለን አቃሊም ለነሰአ። ሰማን ኪሎምትር እት ለሰዐው ምንተሐት 20 ሰነት ውላድ፡ እግል እዴ ለግሊት ለዐለት እሱ አቅሊም ምግብ ለአርጀፈ ቴለል ትረኡ። እት ሰልፋይት ዱራት አትሌታት አቅሊም ግብለት እት ዋሉ ወቀደም እት መርሐ ትረኡው።

ሐሬ ላኪን፡ እት ሐልፈ ወሬሕ ኖሽምበር ዲብ ፈረንሰ እት ሰዐይ አክድን እንዴ ሻረክ ራብዓይ ለፈግረ ሳይሞን ተሰፋገርጊሰ -ምግብ፡ እግል አትሌታት ግብለት ምሕረትአብ አማንኤል ወሐዮሎም ተሰፋሚካኤል እንዴ ሐልፈ፡ ሰልፋይ አወልወለ። ላኪን አቅሊም ግብለት እብ ደረጃት አቅሊም አሽብረቀው።

እት ዐባይ ሲገደር እብ ክልኢቱ ውላድ ወአዋልድ፡ 10 ኪሎምትር ሰዐው። እት ናይ አዋልድ ሰዐይ ለጅግረ ፍንጌ ምግብ ወግብለት ሌጠ ትብሐተት።

አትሌት አቅሊም ግብለት ርግቤ ሀብቲሰላሳ፡ ቅባል ናይ ምግብ አትሌታት ራሄል ዳንኤል ወዘብብ ወልዳሚካኤል እት ሕኒቅ ኦቲት። ለሐደ ዱራት ክም ተርፈ ላኪን ዘቢብ ገጽ ሐር ካዩደት፡ ኢሊምፕኪይት አትሌት ራሄል ዳንኤል እብ ወዴተ ግንብዩ ፡ እብ 36ይ፡4ካ፡76 ንኢሽ ካልኢት አወላይት እት መዳልዮት ደሀብ ገኡት።

ደግሞ ካልኢይት ደረጃት አትዮት ለዐለት ዘቢብ ሆይ፡ እብ 37ይ፡12ካ፡ ሳልሳይት ረክበት። ወእብሊ ፈሪቅ ምግብ አወላይ ትረተቡ።

ሰዐይ ውላድ ምን እንረኤ፡ ብግሰ ክም ቤለው ቱ ለትፈናጠረው። ምን ደግሞ እብ ሰብብ ምዘባዋ ወክድ ረዩም እንዴ ሐንክሽ እት ጅግረ ቃብል ለሀላ ወዴብ ከረን 4ይ ፋግር ለዐለ ኢሊምፕያይ አትሌት አቅሊም ምግብ አርን

ክፍሎ፡ ቀደም እንዴ አወልወለ ሕሳለ ብድረ ተአልበጠ። ደግሞ ለከሰረዩ ዐውቱ ለበልሰ እት መሰል ትገንቡ።

እት ኢሊምፕክ ፓሪስ ዲብ 5,000 ምትር ሰዐይ እት ደረጃት ሚመይ ለትዐደ ወድ ፈሪቁ ዳዊት ሰዓሬ፡ በረኽት ዑቅባጺን -ደንደን፡ ሰመሬ ገብራብርሃን-ግብለት

ውብዕዳም ላኪን ምን ዘነቡ ተሪፍ አበው።

እት አክራይት ዱረት ሆይ ሰመሬ ወበረኽት ቅሩብ ዐረዮቱ ሸአገው። ወእብሊ አርን ፍራ ተዕብቱ እብ 30ይ፡55ካ፡ ወ11 ንኢሽ ካልኢት አወላይ ወለት ሳተ ኬደ ከመዳልዮት ደሀብ ትሰርገ። በረኽት መዳልዮት ወርቅ ወሰመሬ ነሓስ ረክበው። አቅሊም ግብለት ሆይ፡ ናይ እሊ ግማር እብ ክእሉል ንቀዋ ፈሪቅ ሰልፋይ ገብአ።

እምበል እሊመ እብ ልፍን ውላድ ወአዋልድ ለገብእ መትከባባት መረዋ። እት ፍንጌ ምግብ፡ ግብለት፡ ዐንሰበ ወደንደን ገብአ። ምግብ ሆይ፡ እግል እሊ ብድረ እብ 25ይ፡29ካ፡44 ክፋል ካልኢት ተዐወተው እተ። ደንደን ወግብለት ሆይ ደርቦም ፖድዩም



ዐርገው። እብሰ ፍገሪት፡ እብ አዋልድ አቅሊም ምግብ ሻምፕዮን ሰዐይ አክድን ዮም ዓመት እት ገብእ፡ እብ ውላድ መትሐድራይለ ብድረ ለሀላ አቅሊም ግብለት አወላይ ፈግረ። አቅሊም ፓሽ-በርክ ዮም ዓመት ምን እሊ ሰዐይ ቄቤ።

ፕሪመር ኪግ ሽት 20 ሳምንቱ

ለድቁብ ፍረቅ ዱላት እንግሊዝ እት ሐልፈ ሰነብትም ትልህያታቱ ዋዲ ዐለ። እትሊ ሰር ምሽዋሩ ባጼሕ ለሀላ ትልህያታትለ ምውሰም ርዶደት፡ ሰሩ ፍረቅ ንቀጡ እት ለሐጥዋ ወልትወቀል፡ ለሰሩ ላተ ምድር ለድድ ሀለ።

መሰለን፡ ከረ ናቲንግም ፎሬስት ወኤፕሰዊት ለመሰል ደሀር ለዐለ ፍረቅ፡ አዘ እት ለሐሰሴ መጽእ ሀለ። ከለፍገሪት ክእነ ተሌ ሀሌት።

ኒውካሰል እግል ቶተንግም 2-1፡ ሶርይማውዝ እግል ኤሽርተን 1-0፡



ማንሲቲ እግል ዌስትሃም (4-1)



ብሪስቶል (5-0) ሳውዛምፕተን

አሰቶንሽሊ እግል ሌሴስተር ሲቲ 2-1፡ ማንቼስተር ሲቲ እግል ዌስትሃም 4-1፡ ብሬንትፎርድ እ ግ ል ሳውዛምፕተን 5 - 0 ፡ ወ ና ቲ ን ግ ሃ ም እግል ዎልቭስ 3-0 ቀልበም። ክ ሪ ስ ታ ል ፓላሰ ወቼልሲ 1-1፡ ብራይተን ወአርሰናል 1-1፡ ፍልሃም ወኢፕሰዊት 2-2፡ ክምሰልሁ-መ ሊቨርፑል ወማንቼስተር ዩናይትድ 2-2 ደርን እንዴ ፈግረ አክል ሕድ ንቀዋ ለትካፈለ ፍረቅ ቲ። ሊቨርፑል እብ ንቀዋ 46 እንዴ ሐየብ እት መሬሕ፡ አርሰናል እብ 40፡ ናቲንግም እብ 40፡ ቼልሲ እብ 36 ወኒውካሰል እብ 35 ንቀጡት ለሐምሰ ቀዳምያም ፍረቅ ፕሪመርሊግ ጋብአም ሀለው።

ምን ገጽ 2 ለአተላላ

እት ሳልሳይት አምዕል ለትቀደመ ውራቅ ፡ ታሪፌ ወመስከብ ወድ አዳም፡ አህምዩት እጅግማዕያይት ዓፍዮት፡ ብዝሐ ጅንሰዮት፡ ሀውዮት ዓዳት ወእስትዕማር ሐዲሴ ናይ መንጠቀት ወእድንዩ ተሐድዶት ወዲብ ፈዳልዮት አህዳፍ ዐማር ዳይመት፡ አትሓዳስ መናበረት መዋጥኒን እብ በራናምጅ ሰልፈት ሕድት፡ ደማነት እት መትነፈዕ ደው፡ መሻረከት መጅተማዕ ዲብ ዐቦት እቅትሳድ፡ ተአሰር ተአሪክ እብ እሙራም ኬትብት፡ አትሐሳላፍ ተዐሊም እብ ተክኖጂ፡ ጋብሆት አከይ አፍዓል እት ቃትንያይ ከዋ በሐር ቀየሕ ወድዋረ፡ ዕፌ መሰቀት ወፈን፡ ሕንፈል ርዝቅ መዓድን ወአብሳር ታየኖቱ ወሕፋሩ፡ ደማነት

አስመራ-ፓላስ፡ እድንያይ ዋዕሊ...



ፍራንሴስ ፖርቲትን

አንበተ አስክ ዐዲ-ቀይሕ ዲብ ለሀላ አካናት እብ ሰበትላ ሀላ ሕዳን ዝላም፡ ወቀተሪ እተ ክምሰልሁ መታክል ሓለት ጀው፡ ለሽዑብ እብ ሰበትላ ልተብዑ አብሳር መሸፈል ወመናበረት ለትትሐሰር ወዲቡ፡ መንበረትላ ሽዑብ እብ ዕምቅ ለሐናፈለት ወረቀት ተ።

እት መጃል ዓፍዮት ፍጋር ዲብ ምንትሐት 5 ሰነት ዲብ 25 ደውለት ምንተሐት ሰሕረኢ አፍራቀ ለታየነት ወረቀትመ እብ ዳርሰት ፈሸን በለጼ ለትቀደመት እት ገብእ፡ ብጽሕት ለሀሌት ደረጃት ወአህዳፍ ዐቦት ዳይመት አስክ ሰነት 2030፡ እግል ልትሐቀቅ ለቡ ጋራት ለልዐውት ስታት ወራታት ለታይን ሸፊሕ ሀበት ዲብ።

ነፈር መፈወድዮት ዓዳት ወርያደት ዶክተር ጸጋይ መዳንመ፡ ቀደም 30 ሰነት ዲብ ቡዩ ለአንበተት ድራሰት አሳር ቀደም እት ተአሪክ፡ እተ ክምሰልሁም ምን ሰነት 2012 እብ ክሰራ ታርፌ ቀደም ተአሪክ፡ ለወክል ዲብ ኢንግልዳራ-ራም ለገብእ ወለአተላላ ለሀላ ድራሳት

ውራቅ ብሐሳብ፡ 'መትነፈዕ ዕሉም ወቲክኖሎጂ ዲብ ተጠወ ደውለት እብ ፕሮፌሰር ገብራብርሃን ዐቅባዝጊ፡ 'ሀንደሰት ጣቀት ውልዋል እት ከሃሎ ሓለት ጀው ለብ ብንዮት ትሕትዮት' እብ ፕሮፌሰር ግርመ ብጽኢአምላኽ፡ ክምሰልሁም እዳረት ዐቂብ መባኒ አሳር ወውርስ ሚነት ባጽዕ እብ ዳርሰ ሀንደሰት ዐማር ፕሮፌሰር ሰለሙን ተሰፋማርያም፡ ምን ሰልፋይት ምዕል እት ቃዕት ሰላም ለትቀደመ፡ አዳም ብዘሕ ለታብዐዩ ወሙስተቅብል ኤረትሮፕ እት ሚነት ባጽዕ ለአርአ ውራቅ ብሐሳብ ዐለ። ክሉም እሉም ፕሮፌሰራት ምን እት ጃምዓት ዐለም ለዋወር ለልአደርሶ ሰበት ቶም፡ ተጃርዖም ምንኬን አስክ ዐደም ኤረትሮፕ ለጅልዮ እቡ አብካት ሓከው።

ለዘት እት ልትብደል መጽእ ለሀላ ንዛም እዲ፡ እብ ፕሮፌሰር ፍራንሴስ ፖርቲትን፡ መንበረት ብሪክሱ፡ ፈናታይ ጅንሱ፡ ዲን ወሕክም ሽዑብ (ክም መሰል ፈናታይ ጅንሱ ለብ ዲሙቅራፒዮት)፡ መገባሰ ታሪካይ ቃትን ቤት አብ ኤረትሮፕ፡ ተቅዩራት ድዋር ወሓለት ጀው፡ ዕሉም ሕሳብ ወእሕሳት እት መሰለሐት ገባይል፡ በሐሰ ሽዕር በሀል ነባሪ ወሙሲቀት መጅተመዕ ኤረትሮፕ፡ ቅወት ስያሰት እት ባልሐት ነዐር ወመዓወነት እቅትሳድ፡ አሰሰት ወጠን ወዐገል ስያሰት፡ ሐራን ወበዲል ጣቀት፡ ዕልም ትርበት፡ አዋራፍ ወሐርሰ ምን እተ ሰልፋይት ምዕል ወዕለ ለትቀደመ ውራቅ ብሐሳብ ለትናወለዩ መጃላት ዐባዩ ቱ። እት ሰልፋይት ምዕል፡ 63 ወረቀት ምን አሰብሐ እት ምሴተ ትቀደመዩ ወንቃሽ ገብእ ዲብን።

እጅግማዕያት፡ ሀገራት ወቲክኖሎጂ፡ ተረት መዋጥኒን ኤብረት ድወል ካርጅ (ድያሰፖራ) እት ዐማር ወጠኖም፡ ተቅዩም አንቀዋቀጠን ወእዳረት ብቅት ጠቢዐት፡ ወጠንያይት ውሕደት ወዐማር ዱለት፡ መንበረት ብሪክሱ፡ ኤረትሮፕ ወቀር-አፍራቀ፡ ውርስ ርዝቅ ብንዮት ትሕትዮት፡ ሕሩፍ፡ ሀገዩ ወሰነደተ (ተውሲቀ)፡ ኬሚስትሪ ወዕሉም አዋራፍ፡ በደሎት ፈርያት ፍጥረት ደቂቀት እት መሰለሐት ገቢል (Application of Bio-products)፡ ተሐድዶት ወመርበይ መዓወነት ድወል መንጠቀት ልብል። እትላ ምዕል እለ 64 ወረቀት ምን ጽብሐተ እት ምሴተ ትቀደመዩ።

እተ ሳልሰ ወናይ ደንጎበ ምዕልመ፡ ዝያድ 24 ውራቅ በሐሰ ልትቀደም ወልትናቀሽ እቱ ዲብ ሀላ፡ ዕሉም ፍጥረት፡ መንበረት አደሚ ወዐላይም፡ መሐድደት ዓፍዮት መጅተመዕ፡ ጅንሰዮት ውርስ ዓዳት ወእስትዕማር ሐዲሴ፡ መታክል ዐማር መንጠቀት ወእዲ፡ ምህሮ ታሪክ ምን አፍ ዳርሳም መዋጥኒን፡ አደቃብ ዶር አንሳት እት ዐማር ወጠን፡ ነብረ ወሙነት፡ ወራታት ተዕዲን ኤረትሮፕ ምን ለመድ እት ተክኖሎጂ ወዶር ቁድረት ታሪክ ኤረትሮፕ ክም ሞዴል ለትቀደመ እት ምዕል ዐለት። እት ሳልሰ ወናይ ደንጎበ ምዕል፡ 24 ወረቀት ትቀደመ ወአረኢ ትክብተዩ።

ዲብ ካቲማላ ወዕለ ወዘር ካርጅዮት አሰይድ ዑሰማን ሳልሕ፡ ለወዕለ እብ ሰርገል ተምም ክም ሀላ፡ ወመቅደረት ቀበት ዐድነ ለአፈተሽኒ ወእግል ዐማር ለልአዳሌን ታርፍን ለሀላ ክም ከሰብክ ምን፡ ወእግል ውላድ ካርጅ ወቀበት ዐድ መትመራምረት ወመባሕሰት አርደት ዕልማይት ለአዋራሐ ክም ዐለ አከድ።

ዳርሳም ለወድወ ዕልማይ ብሐሳብ ወውራቅ ህዩ፡ እግለ ስያሰት ሕክመት ለከዋጦ ጀሃት ውቁላም'መ ምን ገብእ፡ እት ሄራር ዐቦት ለዋልዮም ወለሰድዮም ክም ቱ ወምሰለ መዋልዮት ተጠውር ዐደም ክም ልትዐለቡ፡ ምን መሉኩ አምር ህዩ ሽዑብ ወደውለት ብዘሕ ወራታት ዕልም እት መዓሉ እግል ለአውዕሎ ክም ልታከው ምናም ፊናሁ ሀበዮም። መዳልያይትላ ወዕለ ልጅነት ወብዕዳት ጀሃት ህዩ ሐምዲሁ ዛይደት ቀደመ እሉም።

ልጅነት ወዕለ እንዴ ወከለ ከሊመት ደብእ ለሓላፊ ዶክተር ቴድሮስ ሰዩም፡ ለወዕለ ናቀሽ እቱ ወለደርሰ ምን ወዕለ፡ እት ብዘሕ አፍካር ዕሉም ወቲክኖሎጂ እትንኩብ ክም አሰማን ወእብ ዐውቱ ክም ተ'መ ወእምበለ ናይ ውላድ ዐድ ወካርጅ ኬትብት ወመባሕሰት ዕሉም ክም ወኢትነሰረ አከድ። ዎርትክ እብ ሰላሙ መንበሉ እግል ልብጸሕ ህዩ፡ ትምኔቱ ሰነት ቀደመ እሉም።



ፕሮፌሰር ግርመ ብጽኢአምላኽ



መምህር አለምሰገድ ተሰፋይ



አሰይድ ዘምህረት ዮውሃንስ



አሰይድ ብንያም በርኔ



ዶክተር አብርሃም ባህሬ



ዶክተር ቴድሮስ ሰዩም

ነብረ ወቅዘ ለልብል ልትረከብ ዐለ ዲብ።

እትላ ወዕለ ድራሳት፡ መሻረከት ስያሰት ወሀይክል ቃትን፡ ዐቦት እቅትሳድ ወደማን ዕሉም እት ሰፋዮት ድዋር፡ ዓፍዮት አንሳት፡ እተ ክምሰልሁም ዶር አንሳት ዲብ ዐቦት እቱ ለአተንክብ ህድግ ወንቃሽ ገብእ እት ሀላ፡ ዕፌ ሰወር፡



አክትብት ወለልትሐረክ ሰወርመ ክፋል ናዩ ሰበት ዐለ፡ ፈዋን ለኢሊህይብ ሸፊሕ ድራሳት ዕልም ምን እግል ዕርፍ ወብዕድ ጋራትክ ዶል ትፈግር ዕንክ ለትከሬ ዲቡ ፈርያት ዐለ።

መሐደር ዲብ አውለት ኤረትሮፕ እብ ርዕዮ ለትነብር ቀምዮት ሳሆ ለታይን ክቴብ በሐሰ ለቀደመ ዶክተር ሮቤል ሀይሌ፡ ምን ዙሎ፡ አዳሊሎ፡ ወፈር እንዴ

ምሰል መልህዮም እንዴ ሐብረ ክም ወደዩ፡ ወእሊ ተአሪካይ አሕድእሽ እዋ ቃረት ወዓለም አካት ዐባይ ክም ተ ወተቅዩር እት ፍክርለ ኤረትሮፕ መስከብ ሐዳረት ክም ተ ለአምሮ ለይዐለው መጅተመዓት ክም አምጽኦ እግል ልትአከድ ቃድር ክም ሀላ ፈሰረ ዲብ።

እሊ ሌጠ ኢኮን እትላ ወዕለ ለትቀደመ፡ እግል ኤረትሮፕ ለነፈዕ እብ ዳርሳም ፕሮፌሰራት ለትቀደመ

ካልእለ ምዕል ህዩ ለውራቅ ድራሳት ወብሐሰ እትላ ተሌ አርእሰ ረከዘ። ዕሉም እት ዐቦት ድወል፡ ሸኡን ስያሰት ካርጅዮት ኤረትሮፕ፡ በገሰ ተዕሊም ምን ዕልማይ በሐሳብ፡ አክቤ እርሻፍ ወወጠንያይት ከዘነት ፈቃዲት፡ እት ከደማት ዓፍዮት ለሀላ አብካት ወመሐለኩቱ፡ ዕልም መሰቀት መጅተመዕ ወሰሰዲት፡ ሰለሰ ውራቅ ድራሳት እት ተዕሊም ወዐዳለት